

附錄二：北宋前期貶謫詩

本附錄所收錄之詩歌作品，內容引自《全宋詩》（北京：北京大學出版社，1991年出版）。王、歐陽二人詩後並附上所在冊別及頁數。

1 王禹偁

詩名	內容	冊	頁
<初出京過瓊林苑> <small>已下謫商州作</small>	忽憶今春暮，宮花照苑墻。瓊林侍游宴，金口獨褒揚。立向勾陳內，宣來帝座傍。丁寧問年紀，委曲敘行藏。屏息聞天語，酡顏醉御觴。近臣多健羨，眷眷豈尋常。盛事誰能及，非才自不遑。厚恩難負荷，薄命果講張。得罪縻山郡，攜家出帝鄉。何時重到此，駐馬激浪浪。	2	707
<中牟縣旅舍喜同年高紳著作見訪> <small>是時紳將命集津平糶，不期而會，至郊郊，方分首</small>	古縣日初沈，輶車忽見尋。不將遷客累，方認故人心。無酒銷寒漏，挑燈聽遠砧。郊郊千里路，並轡未妨吟。	2	707
<鄭州與張秉監察聯句> <small>時秉知州，來訪逆旅，與紳同飲，因成一絕。高作小序不載于此</small>	函關秋霽雁初迴，六里商於曉色開。秉四皓有靈應笑我，謫官方始入山來。禹偁	2	707
<滎陽懷古>	紀信生降為沛公，草荒孤壘想英風。漢家青史緣何事，卻道蕭何第一功。	2	707
<旅次新安>	遷客乍離群，秋砧不忍聞。迴頭戀紅藥，失腳下青雲。尙假金貂晚，猶殘柱國勳。此身未敢死，會擬報明君。	2	708
<碭石縣旅舍>	霜乾紅葉飛，遷客思淒淒。處險人垂瘦，登山馬踞蹄。籬荒蜚韻苦，雲凍雁行低。此夕應無寐，何煩報曉雞。	2	708
<稠桑坡車覆>	稠桑坡險忽摧車，悔戴儒冠出敝廬。已被文章相錯誤，謫官猶載一車書。	2	708
<闍鄉旅夜>	行盡兩京路，將登六里山。全家空洒淚，知是幾時還。	2	708

<p><初入山聞提壺鳥> 時秋暖，此鳥比聞</p>	<p>遷客由來長合醉，不煩幽鳥道提壺。商州未是無人境，一路山村有酒沽。</p>	2	708
<p><聽泉></p>	<p>平生詩句多山水，謫宦誰知是勝遊。南下閩鄉三百里，泉聲相送到商州。</p>	2	708
<p><初到商州館于妙高禪院佛屋壁上見草聖數行讀之乃數年前應制所作皇帝試貢士歌追思前事感而成章></p>	<p>應制詩篇對玉除，是誰傳寫到商於。昔從莫莢階前作，今向蓮花座畔書。商嶺未甘隨綺季，漢庭曾忝用相如。山僧莫怪頻垂淚，乍別承明舊直廬。</p>	2	709
<p><謫居感事> 一百六十韻</p>	<p>遷謫獨熙熙，襟懷自坦夷。孤寒明主信，清直上天知。消息還依道，生涯只在詩。惟當論山水，詎敢詠江離。偶歎勞生事，因思志學時。讀書方睹奧，下筆便搜奇。賦格欺鸚鵡，儒冠薄駿鶻。耕桑都不事，園井未曾窺。必欲縑緇富，寧教杼軸紕。光陰常矻矻，交友盡恹恹。步驟依班馬，根源法孔姬。收螢秋不倦，刻鵠夜忘疲。流輩多相許，時賢亦見推。叨榮偕計吏，濫吹謁春司。僕瘦途中病，驢寒雪裏騎。空拳入場屋，拭目看京師。技癢初調箭，鋒銛欲試錐。甲科登漢制，內殿識堯眉。數刻愁晡矣，三題亦勉之。先鳴輸俊彥，上第遂參差。罷舉身何託，還家命自奇。唯慚親倚戶，敢望嫂停炊。竭力求甘旨，終朝走路歧。貪希仲由米，多廢董生帷。丹桂何時折，孤蓬逐吹移。知憐無國士，志氣自男兒。季子貂裘敝，狂生刺字隳。廣場重考覆，蹇步載驅馳。明代寧甘退，青雲暗有期。禮闈冠多士，御試拜丹墀。澤霧寧慚豹，搏風肯伏雌。重瞳念孤跡，一第忝鴻私。得告還鄉貴，除官佐邑卑。折腰稱小吏，矩步慎初資。枳棘心何恨，松筠操自持。及親家有養，事長禮無虧。銅墨官常改，煙霄雨露垂。縣花聊主管，寺棘且羈縻。吳郡包山側，長洲巨海湄。萬家呼父母，百里撫惇嫠。敢起徒勞歎，長憂竊祿嗤。宦途甘碌碌，官業亦孜孜。政事還多暇，優游甚不羈。村尋魯望宅，寺認館娃基。西子留香逕，吳王有劍池。狂歌殊不厭，酒興最相宜。草織登山履，蒲紉挽舫。果酸嘗橄欖，花好插薔薇。震澤柑包火，松江鱸縷絲。三年無異政，一篋有新詞。多戀南園臥，俄從北闕追，呈材真樸櫟，召對立茅茨。載筆居三館，登朝忝拾遺。紫泥天上</p>	2	709-712

	<p>降，朱紱御前披。侍從殊爲貴，圖書頗自怡。史才媿班固，諫筆謝辛毗。擬把微軀殺，慚將厚祿尸。安邊上章疏，端拱獻箴規。精鑒逢英主，知憐是首夔。賡歌才不稱，掌誥筆難攜。制曆無多事，詞頭每怯遲。繁陰溫室樹，清吹萬年枝。青瑣霞光透，蒼苔露片萎。御香飄硯席，宮葉落纓綉。看浴池心鳳，閑捫殿角螭。上林花掩映，仙掌露淋漓。對近瞻旒冕，班清辟虎貔。宮簾垂翡翠，御水動漣漪。紀號年淳化，朝元月建寅。攝官捧寶冊，祝壽執樽彝。表案行低折，宮懸聽肅祇。德音王澤潤，謙柄斗杓撝。貴接皋夔步，深窺龍鳳姿。策勳何烜赫，賜紫更萎蕤。蚊力山難負，鵝梁翼易滋。論功慚八柱，受服欲三褫。祇慮殃將至，曾無事可禱。趁朝空俯偃，退食自逶迤。更直當春好，橫行隔宿咨。內朝長得對，駕幸每教隨。瓊苑觀雲稼，金明閱水嬉。賞花臨鳳沼，侍釣立魚坻。拂面黃金柳，酡顏白玉卮。分題宣險韻，翻勢得仙棋。竟舉窺天管，爭燃煮豆萁。恨無才應副，空有表虔祈。睿睠偏稱賞，天顏極撫綏。中官賜文字，院吏捧巾綦。遭遇誠堪惜，功名竊自悲。請纓無壯志，視草亦何爲。未獻東封頌，空鐫北岳碑。深慚專俎豆，長欲議邊陲。但可懷驕子，何須斬谷蠡。胸中貯兵甲，堂上有熊羆。成敗觀千古，施張在四維。兼磨斷佞劍，擬樹直言旗。遇事難緘默，平居疾喔咿。無權逐鳥雀，俛首任狐狸。廷尉專刑煞，詞臣益等衰。五花儀久廢，三尺法聊施。書命猶無詔，評刑肯有欺。厚誣凌近侍，內亂疾妖尼。丹筆當無赦，金科了不疑。拜章期悟主，引法更防誰。萋斐終無已，雷霆遂赫斯。如弦傷訐直，投杼覓瑕疵。眾鑠金須化，群排柱不支。佞權迴北斗，讒舌簸南箕。闕下羊腸險，朝端虎尾危。道孤貽眾怒，責薄賴宸慈。西掖除三字，南山佐一麾。蒼黃塵滿面，揮洒涕交頤。目斷九重闕，魂銷八達逵。尊親遠扶侍，兄弟盡流離。秦嶺偏嶮絕，商於更險巖。吾廬何處是，我馬忽長辭。六里山蒼翠，丹河浪渺瀰。分封思衛鞅，割地憶張儀。懶讀三閭傳，空尋四皓祠。畚煙濃似瘴，松雪白如梨。壞舍床鋪月，寒窗硯結澌。振書衫作拂，解帶竹爲梳。呼僕泥茶灶，從僧借藥篩。</p>	
--	---	--

	鐘愁上寺起，角怨水門吹。舊友誰青眼，新秋出白鬚。煙嵐晴鬱鬱，風雨夜颼颼。我過徒三省，吾生自百罹。初來聞旅雁，不覺見黃鸝。市井採山菜，房廊蓋木皮。野花紅爛漫，山草碧氈。副使官資冷，商州酒味醜。尾因求食掉，角爲觸藩羸。有夢思紅藥，無心採紫芝。瘦妻容慘戚，稚子淚漣洏。暖怯蛇穿壁，昏憂虎入籬。松根燃夜燭，山蕨助朝飢。豈獨堂虧養，還憂地乏醫。跡飄萍渤澥，親老日崦嵫。閣下辭巢鳳，山中伴野麋。風欺秀林木，雲隔向陽葵。屈產遭駑馬，丹山困嚇鴟。悔須分黑白，本合混妍媸。自此韜餘刃，終當學鉞鎚。窮通皆有數，得喪又奚悲。自顧才何者，空憐道在茲。仲尼猶削伐，大禹亦胼胝。用去當如虎，投來且禦魑。避風聊戢翼，得水會揚鬣。琴酒圖三樂，詩章效四雖。魚鬚從典賣，貂尾任傾欵。兀兀拖腸鼠，悠悠曳尾龜。北窗尋蛺蝶，南岸攪鷓鴣。山翠樓頻上，雲生杖獨搯。簾閑留曉魄，簷暖負冬曦。松柏寒仍翠，瓊瑤涅不緇。望誰分曲直，祇自仰神祇。吾道寧窮矣，斯文未已而。狂吟何所益，孤憤洩黃陂。		
<弊帷詩>	謫宦那堪歎弊帷，承明寓直收年騎。滿階紅藥曾嘶處，六里青山忽斃時。駿骨欲埋金價直，的顛猶愛雪離披。貳車謾道貂冠貴，從此徒行奉一麾。	2	712-713
<和馮中允仙娥峰>	熊耳如當出檻熊，仙姿孤秀壓諸峰。採芝逋客憐貞質，化石佳人妒麗容。身上霓衣慵整頓，天邊華蓋會裁縫。嫦娥月裏休相笑，萬古應無竊藥蹤。	2	713
<對雪感懷呈翟使君馮中允同年>	歲暮山城雪，民和歲有秋。深聞五袴詠，聊減貳車愁。凌亂藏溪寺，霏微酒郡樓。凍宜粘酒，香好試茶甌。逐吹殊無定，連宵勢未休。仙娥低粉面，熊耳壓峰頭。樹老花重發，川長縞不收。平沉採芝洞，深鎖避賢郵。麋鹿全迷逕，鷹鷂不下。夜村埋古屋，丹水咽寒流。上洛城中客，梁園日下州。前年直綸閣，臘月奉宸遊。六出寒光亂，重瞳喜氣浮。催班臨秘殿，稱賀拱凝旒。漠漠籠天仗，輕輕落御溝。瑤池同皎潔，珠箔助颼颼。民有豐年望，君無旱食憂。佩垂延喜玉，服曜吉光裘。雞樹令開宴，鴛行許命儔。千鍾方灑灑，三爵未油油。舉白朱顏凝，飛文彩筆抽。傳宣盡醉，御札遣冥搜。晚出蒼龍闕，	2	714-715

	驕馳紫燕騮。自慚生草澤，人指在蓬丘。薄命誠非據，清途不久留。左遷來僻郡，對景憶瀛洲。謫宦誰還往，貧家自獻酬。敢言無俸祿，且喜潤田疇。鳳閣名雖黜，貂冠命亦優。山中甘散秩，膝下奉晨羞。默默惟思過，陶陶亦自由。搖頭詠詩什，合眼入衾裯。祇恨方于柄，何嘗曲似鉤。詎能悲鵬鳥，早合畏犧牛。玉冷期三蕪，蘭香任一蕪。夢中非蛺蝶，世上本蜉蝣。禍福如亡馬，機關喻狎鷗。甘貧慕原憲，齊物學莊周。尙賴遷鶯侶，旁依建隼侯。願隨商洛叟，擊壤頌皇猷。		
<龍鳳茶>	樣標龍鳳號題新，賜得還因作近臣。烹處豈期商嶺外，碾時空想建溪春。香於九畹芳蘭氣，圓似三秋皓月輪。愛惜不嘗惟恐盡，除將供養白頭親。	2	713
<遊四皓廟>	修篁瑟瑟石磷磷，去謁荒祠不厭頻。四皓古來無事客，貳車今世最閑人。紫芝欲採非仙骨，紅藥曾題是近臣。一奠村醪還獨酌，滿軒松雪照吟身。	2	715
<雪後登靈果寺閣>	雪引詩情不敢慵，來登高閣犯晨鐘。山僧莫怪多時望，玉立南山萬萬峰。	2	717
<獨遊南靜川>	高車嶺上無人見，南靜川中信馬行。多謝仙娥相管顧，遠擎松雪助詩情。	2	717
<四皓廟>二首	秦皇焚舊典，漢祖溺儒冠。萬民在塗炭，四老方宴安。白雲且高臥，紫芝非素餐。南山正優游，東朝忽艱難。高步揖萬乘，拂衣歸重巒。飛鴻自冥冥，束帛徒淺淺。古廟對山開，清風向人寒。更無隱遁士，空有賓客官。況我謫宦來，塵跡污祠壇。朝衣慚蕙帶，佩玉愧紉蘭。或依土 皆下樹，陶暑解馬鞍。或借廟前水，乘秋把魚竿。吾道多齟齬，吾生利盤桓。登山殊未倦，飲水聊盡驩。精靈莫相笑，此意樂且盤。 小言望小利，載在禮經中。遂有鷹犬輩，拔劍各爭功。一出定萬乘，去若冥冥鴻。寂寂千古下，孰繼採芝翁。	2	659
<合崖湫>	合崖何嵌崆，湫水何沖灑。滓污暨積潦，滯泥不朝宗。有時見鬼怪，無人薦王公。止可飲麋鹿，未嘗產蛟龍。山岵自神之，祠祀眾口同。今春商於旱，太守職憂農。先請境內山，熊耳有如聳。乃迎是湫水，盈乎素缶中。州民與郡吏，覲女雜巫童。朝祈	2	658

	又夕禱，拜起虔且恭。馨爐復奠爵，牲幣潔而豐。適與天雨會，三日勢濛濛。致謝送水歸，盡禮有始終。水旱蓋定數，災祥與政通。傅巖道喪久，咄爾貪天功。		
<吾志>	吾生非不辰，吾志復不卑。致君望堯舜，學業根孔姬。自爲志得行，功業如皋夔。既登俊秀科，又在清切司。諫紙無直言，綸誥多愧辭。眈勉爲何事，親老與妻兒。一旦命執法，嫉惡寄所施。丹筆方肆直，皇情已見疑。斥逐深山中，窮辱何羸羸。于張及不得，安用此生爲。	2	658-659
<賀畢翰林>新入	聞步花磚喜復悲，所悲君較十年遲。銀臺曉入批丹詔，銅鏡秋開鑷白髭。宮錦細袍宣與著，內閑驕馬賜來騎。家門記得咸通事，莫忘論兵夜召時。	2	718
<賀三舍人新入西掖>	紫微新命舊交遊，報到商於寂寞州。天上共分三字貴，山中全減貳車愁。拋離紅藥心無恨，彈拂金貂舞不休。最喜吾家有餘慶，鳳毛還直鳳池頭。	2	719
<送舍弟赴舉因寄兩制諸大僚>	堂上尊親鶴髮垂，十年祿仕不相離。何期膝下承顏日，卻是山中謫宦時。未有重茵如子路，空披綵服學嬰兒。全家送爾隨鄉薦，試向朝端獻此詩。	2	718
<商山海棠>	錦里名雖盛，商山艷更繁。別疑天與態，不稱土生根。淺著紅蘭染，深于絳雪噴。待開先釀酒，怕落預呼魂。春裏無勍敵，花中是至尊。桂須辭月窟，桃合避仙源。浮動冠頻側，霓裳袖忽翻。望夫臨水石，窺客出牆垣。贈別難饒柳，忘憂肯讓萱。輕輕飛燕舞，脈脈息嬌言。蕙陋虛侵徑，梨凡浪占園。論心留蝶宿，低面厭鶯喧。不忝神仙品，何辜造化恩。自期栽御苑，誰使擲山村。綺里荒祠畔，仙娥古洞門。煙愁思舊夢，雨泣怨新婚。畫恐明妃恨，移同卓氏奔。祇教三月見，不得四時存。繡被堆籠勢，臙脂浥淚痕。貳車春未去，應得伴芳樽。	2	718-719
<放言>元、白謫官，皆有《放言》詩著於編集，蓋騷人之道味也。予雖才不侔於古人，而謫官同矣。因作詩五章，章八句，題爲《放言》云。	誰信人間是與非，進須行道退忘機。卦逢大壯羝羊困，鄉入無何蛺蝶飛。澤畔衣裳蘭作佩，山中生計竹爲扉。飢腸已共夷齊約，一曲高歌去採薇。榮枯禍福轉如輪，幽暗難欺有鬼神。天上若無司報者，世間爭向不平人。夏蟲莫怪冰壺色，秋隼休猜月窟身。吾道斯文如未喪，且憑方寸託穹旻。賢人雖學心無悶，君子須知道自消。德似仲尼悲鳳	2	720

	鳥，聖如姬旦賦鷓鴣。看松好待嚴霜降，試玉宜將烈火燒。青女祝融如不黨，願分頑石與山苗。人生唯問道如何，得喪升沉總是虛。寧可飛鳥隨四皓，未能魚腹葬三閭。傅巖偶夢誰調鼎，彭澤高歌自荷鋤。不向世間爭窟穴，蝸牛到處是吾廬。靜算人間事偶然，窮通未必在穹玄。關從白馬欺來度，赦被青蠅暗裏傳。禁樹罷吟紅爛漫，江蘼且詠綠芊綿。放言詩什誰堪贈，焚贈微之與樂天。		
<翰林畢學士寄示醫癭藥方因題四韻兼簡兩制諸知>	預憂囊癭病龍鍾，乞得仙方便有功。縱免項如樗里子，也應頭似夏黃公。西暉亭下峰巒碧，南靜川中木葉紅。盡是貳車堪醉處，春來唯恐酒樽空。	2	719
<內翰畢學士外制柴舍人故兵部閣老王公之門生又與第五廳舍人同在兩制追思餘慶因賦短章寄于三君子>	掌貢司言耀聖朝，宦途屯否數難逃。雄文自貯胸中甲，直氣誰防笑裏刀。黃閣不登名甚屈，紫垣終老道彌高。君看身後榮多少，兩制門生伴鳳毛。	2	719
<賀柴舍人新入西掖>	早折蟾宮第一枝，綸闈恩命苦何遲。久為俗吏殊無味，合掌王言亦有時。好繼忠州文最盛，應嫌長慶格猶卑。他年莫忘中吳幸，六里山前歌紫芝。	2	719
<歲除日同年馮中允攜觴見訪因而沉醉病酒三日醒而偶題>	除夜渾疑便白頭，攜壺相勸醉方休。敢辭枕上三朝臥，且免燈前一夕愁。薄命我甘離鳳閣，多才君亦滯龍樓。相逢不盡杯中物，何以支當寂寞州。	2	719-720
<得昭文李學士書報以二絕>	謫居不敢詠江蘼，日永門閑何所為。多謝昭文李學士，勸教枕藉樂天詩。 左宦寂寥惟上洛，窮愁依約似長沙。樂天詩什雖堪讀，奈有春深遷客家。	2	720
<南靜川野桃花下獨酌因簡同年馮中允>	野桃無主滿山隈，遷客攜觴獨自來。盡日馨香留我醉，每春顏色為誰開。枝穿綠竹渾疑畫，片落丹河去不迴。待約同年一攀折，便如劉阮到天台。	2	720
<寄獻僕射相公>二首	三朝文匠百僚師，再秉洪鈞七政齊。一道白麻來玉署，兩條紅燭上沙堤。池波尚浴當時鳳，省樹猶存舊日雞。鑪冶正開無棄物，應憐折劍在塵泥。 聖君宵旰念生民，重命甘盤秉國鈞。引馬但傳三刻漏，喘牛休問四時春。羹和舊鼎黃金鉉，雪壓新堤白玉塵。應念前年獻詩客，謫官無俸不勝貧。	2	721
<寄馮舍人起>	轉輸爭合滯才華，急詔重乘上漢查。繼我已吟紅藥樹，勸君曾賦海棠花。詞隨健筆光綸誥，詩落成都	2	721

附錄 2 北宋前期貶謫詩

	燦綺霞。應笑同時東觀客，商於憔悴似長沙。		
<迴襄陽周奉禮同年因題紙尾>	武關西畔路巉巖，兩月勞君寄兩緘。鏡裏想添新白髮，篋中猶貯舊青衫。扶頭酒好無辭醉，縮項魚多且放饑。譬似元和張太祝，十年不改舊官銜。	2	721-722
<聞進士孫何及第因寄紙尾>	昨朝邸吏報商山，聞道孫生得狀元。爲賀聖朝文物盛，喜於初入紫微垣。	2	723-724
<贈劉仲堪>	劉生頗少秀，爲學識根柢。丘軻有堂奧，試腳到階砌。楊墨恣荒榛，揮手欲芟薙。攜文訪謫居，趣向非權勢。對挹雛鳳下，交言孤鶴唳。在璞認良玉，行當爲國器。彼茁見靈芽，佇可供王祭。豈止隨衆人，區區一枝桂。宜哉孫漢公，妻之以女弟。吾家兄之子，笄年未伉儷。恨不早相逢，取子爲佳婿。	2	670
<秋霖> 二首	秋霖過百日，歲望終何如。嘉穀就穗生，茁茁垂青鬚。宿麥未入土，大田多泥塗。河闊不辨馬，原高恐生魚。時政苟云失，生民亦何辜。雨若是天淚，天眼應已枯。 山雲百日雨，山水十丈波。田疇與道路，一夕成江河。巨石大於甕，吹轉如蓬窠。夏早既損麥，秋潦復無禾。津梁盡傾壞，商販絕經過。斗米二百金，吾生將奈何。安敢比夷齊，愚聖不同科。應如元魯山，餓死深山阿。	2	686
<雷>	商山春夏旱，旱雷不降雨。及秋又霖霖，雷聲時一舉。南山復北山，{石訃}礧若贗虎。君子容必變，所以敬天怒。無乃豐隆鬼，恣意撾雷鼓。此怒既非天，敬之亦奚取。	2	686
<御書錢>	謫官無俸突無烟，惟擁琴書盡日眠。還有一般勝趙壹，囊中猶貯御書錢。	2	713
<仙娥峰>	窈窕奇峰疊古苔，望秦嶺外勢徘徊。巨靈非疋休期刻，毛女爲鄰合往來。傅粉微茫春雪在，墮鬟浮動曉雲開。好邀上雒王常侍，時就巖前飲一盃。	2	714
<遊仙娥峰後戲題>	爲愛一峰形窈窕，豈辭十里路崎嶇。誰知不似陽臺女，別後經宵夢也無。	2	714
<急就章>	賜來三載錦囊盛，今日重看倍覺榮。元白當時皆謫宦，不聞將得御書行。	2	713
<上寺留題> 在商州北山上	松杉疏瘦簇山根，樓殿參差對郭門。不惜馬蹄來北寺，爲憐熊耳在西軒。雲生石砌搖寒影，泉汲銅瓶露凍痕。遷客頻來何所得，一叢修竹拂吟魂。	2	715-716

<商山>十二韻	六百里嶠巖，嵐光霽後添。經年吟未得，盡日看無厭。僧舍青當檻，人家翠滿簷。氣蒸丹水碧，脈潤紫芝甜。嶺礙翻雲鶴，峰遮落海蟾。澗深春有凍，影闊夏無炎。勢鬥高并華，名欺霍與灑。石危蹲虎腳，松老吒龍髯。曉榻便欹枕，晴樓懶下簾。未能棲岫幌，猶道佐彤檐。望久衣襟濕，登多屐齒粘。何當隨四皓，深隱避猜嫌。	2	714-715
<丹水>十二韻	瑟瑟復潺潺，朝宗去不還。和雲歸漢浦，噴雪下商山。影浸仙娥面，波涵織女鬟。飲猿清滿掬，渡鹿冷侵斑。北澗深通洛，東嶮叩關。灌園縈似帶，漕磴曲如環。夜枕驚幽夢，秋汀照病顏。玉膏分地脈，銀漢落人寰。漱石藏青鯉，崩沙聚白鷗。村橋微雨後，岸樹夕陽間。翠漲新萍綠，紅浮敗葉殷。貳車時濯足，來伴釣翁閑。	2	716
<上元夜作>	去年正月十五夜，乾元門上奉乘輿。今年正月十五夜，商洛郡中爲貳車。謫宦門欄偏冷落，山城燈火苦蕭疏。爐灰畫盡不成寐，賴有逍遙一帙書。	2	714
<歲暮感懷貽馮同年中允三首>	<p>謫宦商於郡，閑門車馬稀。塵侵書命筆，香散入朝衣。燒盡峰巒出，霜晴木葉飛。夜來天欲雪，寒夢不成歸。</p> <p>歲暮客商山，謫居多晝眠。夢迴紅藥樹，身落紫微天。不得親公事，如何望俸錢。荒城共誰語，除却訪同年。</p> <p>謫居京信斷，歲暮更淒涼。郡僻青山合，官閑白日長。燒烟侵寺舍，林雪照街坊。爲有遷鶯侶，詩情不敢忘。</p>	2	716
<畚田詞>并序	<p>上雒郡南六百里，屬邑有豐陽、上津，皆深山窮谷，不通輻跡。其民刀耕火種，大底先斫山田，雖懸崖絕嶺，樹木盡仆，俟其乾且燥，乃行火焉。火尚熾，即以種播之。然後釀黍稷，烹雞豚，先約曰：某家某日，有事于畚田。雖數百里如期而集，鋤斧隨焉。至則行酒啗炙，鼓噪而作，蓋斷而掩其土也。掩畢則生，不復耘矣。授桴者有勉勵督課之語，若歌曲然。且其俗更互力田，人人自勉。僕愛其有義，作<畚田詞>五首，以侑其氣。亦欲採詩官聞之，傳于執政者，苟擇良二千石暨賢百里，使化天下之民如斯民之義，庶乎污萊盡闢矣。其詞俚，欲山岵之易曉也。</p> <p>大家齊力斷孱顏，耳聽田歌手莫閑。各願種成千百索，豆萁禾穗滿青山。殺盡雞豚喚斷畚，由來遞互</p>	2	716-717

	作生涯。莫言火種無多利，禾樹明年似亂麻。鼓聲獵獵酒醺醺，斫上高山入亂雲。自種自收還自足，不知堯舜是吾君。北山種了種南山，相助刀耕豈有偏。願得人間皆似我，也應四海少荒田。畚田鼓笛樂熙熙，空有歌聲未有詞。從此商於爲故事，滿山皆唱舍人詩。		
<清明日獨酌>	一郡官閑唯副使，一年冷節是清明。春來春去何時盡，閑恨閑愁觸獨處生。漆燕黃鸝誇舌健，柳花榆莢鬥身輕。脫衣換商山酒，笑把離騷獨自傾。	2	722
<寒食>	今年寒食在商山，山裏風光亦可憐。稚子就花拈蛺蝶，人家依樹繫鞦韆。郊原曉綠初經雨，巷陌春陰戶禁煙。副使官閑莫惆悵，酒錢猶有撰碑錢。	2	722
<春日登樓>	紅桃飛盡綠楊深，獨倚危樓半日吟。六里山川多逐客，貳車官職是籠禽。蓬霑殘雪經秋鬢，葵隔浮雲向日心。身世榮衰不能算，且傾村酒沃愁襟。	2	722
<山僧雨中送牡丹>	數枝香帶雨霏霏，雨裏攜來叩竹扉。擬戴卻休成悵望，御園曾插滿頭歸。	2	722
<春居雜興> 四首	兩株桃杏映籬斜，粧點商山副使家。何事春風容不得，和鶯吹折數枝花。 春雲如哭復如禽，日照風吹淺又深。誰道無心便容與，亦同翻覆小人心。 閑寫新詩十數篇，曉來鋪向竹窗前。無端燕子欺人睡，故落春泥污綵箋。 一夜春雷百蟄空，山家籬落起蛇蟲。無端蚯蚓爭頭角，觸破莓苔氣似虹。	2	722-723
<登群南樓望山感而有作>	西接藍田東武關，有唐名郡數商顏。二千石盡非吾道，一百年來負此山。重疊曉嵐新雨後，參差春雪夕陽間。唯供遷客風騷興，醉望吟看不暫閑。	2	723
<讀史記列傳>	西山薇蕨蜀山銅，可見夷齊與鄧通。佞倖聖賢俱餓死，若無史筆等頭空。	2	723
<睡> 十二韻	此境一何醇，熙熙別得春。有聲皆俗格，無夢是天真。壁上登山屐，床頭漉酒巾。輕輕龜喘息，苒苒蝶精神。滯寂通禪理，無何等道人。曲肱高勝枕，藉草軟于茵。吟苦魂初暝，盃酣味更珍。覺知身是幻，靜與死爲鄰。酷恨巢簷燕，生憎 戶賓。功成歸展轉，先兆自嘖呻。不入榮名客，還宜放逐臣。	2	723

	東窗一丈日，且作自由身。		
<送秦供奉自商州使鄂渚>	攜家畫錦行，山驛接江城。使是皇華貴，人還故國榮。離筵青杏小，別夜子規鳴。鸚鵡洲邊宿，無忘吊禰衡。	2	723
<哭同年羅著作五首>	故著作郎、直史館羅君，諱處約，字思純，僕之執友，且同年生也。以淳化元年十一月捐館。自僕謫宦商於，往往入于夢寐，悲感之思，見之于詩。 宿草離披淚滿衫，孤墳遙想帝城南。天生賈誼成何事，祇得人間三十三。一枝丹桂謾成名，一片緋衫未是榮。賴有遺文在東觀，直應千載氣如生。荒涼故宅何人住，寂寞孀妻即日還。一歲嬰兒安健否，巨源雖在謫深山。生死雖殊道義存，曉來襟袖有啼痕。只應知我方憔悴，時向商山入夢魂。同試五題爲縣吏，共求三字作詞臣。西垣謫宦何須恨，若比羅三是幸人。	2	724
<西暉亭> 仙娥峰下，大中年刺史崔黯所造	孤亭疊嶂東，宛是古屏風。每到天將暮，渾疑日再中。餘霞猶散綺，新月已張弓。一水漪漣媚，千巖木葉紅。玳筵何烜赫，火宅忽牢籠。隙晃歸巢燕，簷拖截澗虹。果迷丹橘熟，洞訝赤城通。似燒連松塢，如斑染竹叢。近邀青瑣客，來伴紫芝翁。望久情無倦，吟多興未窮。陽烏看黯黯，歸馬恨匆匆。會待長棲隱，青冥逐去鴻。	2	725
<謫居>	親老復嬰孩，吾生自可哀。無田得歸去，有俸是嗟來。直道雖已矣，壯心猶在哉。端居寡儔侶，懷抱向誰開。	2	725
<道服>	褚冠布褐皂紗巾，曾忝西垣寓直人。此際暫披因假日，如今長著見閑身。濯纓未識三湘水，漉酒空經六里春。不爲行香著朝服，貳車誰信舊詞臣。	2	725
<春遊南靜川>	南過高車嶺，川原似掌平。峰巒開畫障，畎畝列棋枰。帝女柔桑綠，王孫野草生。提壺催我醉，戴勝勸人耕。商嶺堪攜妓，丹河好濯纓。蓋圓松影密，鞭亂竹根罌。勃勃畚田氣，磷磷水磴聲。野桃誰是主，山鳥不知名。欲舞寧無蝶，思歌亦有鶯。官閑春日永，擔酒此中行。	2	725
<獨酌自吟>	日高睡足更何爲，數首新篇酒一卮。郡吏謾勞相告報，轉輸應不管吟詩。	2	725
<寄題洛南秦供奉新樓>	多羨新樓上，公餘寫望閑。數峰迷華岳，一面是商山。棋暗幽雲過，簷喧宿鳥還。萬重蒼翠裏，百尺	2	725

	<p>沈寥間。嵐破分樵逕，沙明認釣灣。望秦晴矗矗，清洛夜潺潺。平遠長安道，微茫函谷關。吟哦生古意，圖畫寄朝班。何日隨高步，乘秋豁病顏。銷憂吾祖事，會待共躋攀。</p>		
<p><八絕詩> 并序</p>	<p>唐大曆中，隴西李幼卿以宮相領滁州刺史，始游瑯琊山，立寶應寺。故泉有庶子之號，李陽冰篆其銘，存諸石壁，白龍泉又次焉。繇是亭臺溪洞，合垂藤蓋，謂之八絕云。皇宋至道元年，予自翰林學士出官滁上，因作古詩八章，刻石于寺。開化者，我朝改之也。</p> <p style="text-align: center;"><庶子泉></p> <p>物形固天造，物景不自勝。泉乎未遇人，石罅徒流迸。宮相政多暇，行樂躡巖磴。發蒙漲為溪，幽致茲焉盛。唐賢大曆後，峭壁刻名姓。我來一何暮，今秋始乘興。山勢環有缺，山門壺引柄。乍挹清泚姿，頗愜幽閑性。味將春茗宜，光與曉嵐暝。架竹落僧厨，遠聲入清磬。何當宿禪室，欹枕終夜聽。飲多病骨換，照久塵迴。銷盡謫居愁，無心治歸艇。</p> <p style="text-align: center;"><白龍泉></p> <p>崖石何鑿鑿，渤潏湧山脚。含虛光可鑒，倒影壁如削。瀾漫到前溪，支脈通遠壑。白龍乃神物，胡此戀一勺。勢能為霖雨，力可興雷雹。上天未有命，茲焉縮頭角。應防困螻蟻，泥蟠詎敢躍。菹醢曾是憂，參養殊非樂。亦如君子道，出處貴先覺。吾生苦遷謫，未免郡政縛。偶來泉畔坐，感興題秋籟。斗藪纓上塵，試就清漣濯。聊將一掬水，洗我面慚作。日暮不忍歸，風埃滿城郭。</p> <p style="text-align: center;"><明月溪></p> <p>漲溪者為誰，人骨皆已朽。我來尋故跡，溪荒亂泉吼。惜哉幽勝事，盡落唐賢手。唯餘舊時月，團團照山口。</p> <p style="text-align: center;"><清風亭></p> <p>茲亭廢已久，厥趾猶在哉。清風為我起，疑有精靈來。神交念宮相，臨砌傾一杯。迴頭問黃菊，寂寞與誰開。</p>	2	672-674

	<p style="text-align: center;"><望日臺></p> <p>荒臺隱層碧，雲磴踰百尺。攀蘿試一上，依然有遺跡。掌舒舊砌平，屏卓諸峰直。憑高聊寫望，孤懷念鄉國。長安不可見，但對金烏赤。傾盡葵藿心，庶免浮雲隔。</p> <p style="text-align: center;"><歸雲洞></p> <p>碧洞何眈眈，呀然倚山根。朝雲出如嘔，暮雲歸如吞。大塊氣不死，茲為玄牝門。怪石擁左右，勢若貙虎蹲。旁行數十步，漆黑不可捫。安得鞭燭龍，為吾前馳奔。尋盡神仙窟，一一知其源。</p> <p style="text-align: center;"><陽冰篆></p> <p>碧洞何眈眈，呀然倚山根。朝雲出如嘔，暮雲歸如吞。大塊氣不死，茲為玄牝門。怪石擁左右，勢若貙虎蹲。旁行數十步，漆黑不可捫。安得鞭燭龍，為吾前馳奔。尋盡神仙窟，一一知其源。</p> <p style="text-align: center;"><垂藤蓋></p> <p>碧洞何眈眈，呀然倚山根。朝雲出如嘔，暮雲歸如吞。大塊氣不死，茲為玄牝門。怪石擁左右，勢若貙虎蹲。旁行數十步，漆黑不可捫。安得鞭燭龍，為吾前馳奔。尋盡神仙窟，一一知其源。</p>		
<p><東門送郎吏行寄承旨宋侍郎></p>	<p>西門送僕射，鞍馬照路光。南門送貳卿，冠蓋遙相望。東門送郎吏，艤舟隋堤傍。郎吏誠隔品，同直白玉堂。丈人況知己，振拔在舉場。憐才惜我去，深勸離別觴。醉中不記事，煙水空茫茫。醒來聞鳴櫓，嘔軋搖斜陽。猶疑在禁中，殘漏寒丁當。迴望銀臺門，五雲遮帝鄉。聚散本如此，升沉庸何傷。丈人名位峻，只欠登巖廊。平居倦朝請，高論思退藏。圃田有別業，古木羅修篁。艸亭寒蕭蕭，池波碧泱泱。嘗云拂袖去，可以傲羲皇。丈人果能爾，識度非尋常。安車比疏廣，辟穀如張良。再拜願丈人，壽考仍康強。自念山野士，不解隨圓方。宦途多齟齬，身計頗悲涼。行將解簪笏，歸去事農桑。幸容操杖履，酒掃近丘牆。</p>	<p>2</p>	<p>674</p>

<送林介>	八年困名場，萬里有慈親。吟變閩越聲，衣有京洛塵。況復久相依，知子文行淳。不能致一第，虛作金鑾臣。昔予貶商洛，相送遠涉溱。今予謫滁上，語別清淮濱。途窮與道喪，詎免同沾巾。	2	675
<北樓感事>	<p>唐朱崖李太尉衛公爲滁州刺史，作懷嵩樓，取懷歸嵩洛之義也。衛公自爲之記，其中述在翰林時同僚存沒，且有白雞黃犬之歎，頗露知退之心。及自滁徵拜，再秉鈞軸，卒以怙權賈禍，貶死海外，則向之立言誠空文爾。皇宋至道元年夏五月，僕自翰林學士，尙書禮部員外郎，知制誥，除工部郎中，知滁州軍州事。到郡之日，訪衛公舊跡，樓之與記皆莫知也。而郡有北樓，通刺史公署，登眺終日，甚亦自得，作《北樓感事》以見志。</p> <p>北樓出林杪，登覽開病姿。旁帶滁州城，雉堞何逶迤。下人刺史宅，卻臨統軍池。伊予翰林客，失職方在茲。兩衙簿領外，盡日吟望時。晚窗度急雨，夏木交繁枝。淮南氣候殊，經秋囀黃鸝。簷前有山果，採掇亦甘滋。樽中有官醞，傾酌任醇醪。忘機得真趣，懷古生遠思。念昔李太尉，落落邦家基。下筆到西漢，料兵如六奇。謫官來此郡，鬱鬱時一麾。嘗作懷嵩樓，記文悲盛衰。甚得進退理，深明禍福機。未幾再入用，斯言忽如遺。君恩匪膠柱，天殃若影隨。六月萬里行，炎荒竟不歸。功成又名遂，不退將安之。姑以人事較，忽憑天命推。矧予草澤士，被褐復羹藜。謬因弄文翰，八載侍丹墀。三入承明廬，古人期並馳。玉堂百日罷，所累非文詞。強仕未爲老，望郎不爲卑。淮邊永陽郡，人物自熙熙。費用量所入，豐約從其宜。一妻本糟糠，不識金翠施。三男無庶孽，詎愛紈綺貲。甘貧絕誅求，易退無羈縻。五十擬歸耕，何必懸車期。且予望衛公，雲龍與山麋。唐賢昔際遇，文雅道光輝。進士取將相，易于俯拾棋。自從五代來，素風已陵遲。干戈爲政事，茅土輸健兒。儒冠筮仕者，僅免寒與飢。至今明聖代，此風猶未移。自無經濟術，烏用碌碌爲。歸歟復歸歟，無忘北樓詩。</p>	2	675
<送劉職方>	罷直出玉堂，詔授尙書郎。朝僉假郡印，承乏來永陽。喜開黃紙書，云替劉職方。職方老狀頭，疇昔名擅場。宦游三十載，寸進駕鸞行。未出六品班，鬚鬢已垂霜。顧予新進生，遭時恣翱翔。綸闈與內署，掌誥侍玉皇。夜召赴浴殿，春遊醉柏梁。晚出	2	676

	銀臺門，朝服含天香。爲儒能到此，自道摩穹蒼。今年四十二，典郡清淮旁。臥錦郎位正，腰金服色光。見君深自愧，撫己庸何傷。古人重交代，子孫不相忘。西掖替左司，劉白形詩章。況我忝翰林，而君列文昌。待將官與氏，山寺題修篁。共保不朽名，他年比甘棠。昇沉何足道，聚散安有常。且當唱此詩，爲君送離觴。		
<感興>	吾嘗入深山，谿谷寒且沍。杉檜頗凌雲，歲月自朽蠹。般輸目不見，何由用斤斧。東山大夫松，中岳金雞樹。秦政本獨夫，則天乃淫嫗。名號被常材，所幸因一顧。爲木豈有命，偶然生要路。誰取澗底松，立作明堂柱。	2	676
<老態>	白髮不相饒，秋來生鬢邊。黑花最相親，終日在眼前。老態固具矣，宦情信悠然。唯當共心約，收拾早歸田。	2	677
<官醞>	爲郡得官醞，月給盈三斛。地僻少使車，時清罕留獄。老大復遷謫，吾懷頗幽獨。嬋娟樓上月，爛漫池邊菊。東院與西亭，翛翛風弄竹。對此不開樽，騷人應慟哭。獨酌入醉鄉，陶然瞑雙目。醒來成浩歎，胡爲事口腹。彝酒書垂誠，群飲聖所戮。漢文亦禁酒，患在糜人穀。自從孝武來，用度常不足。權酷奪人利，取錢入官屋。古今事相倍，帝皇道難復。吾無奈爾何，更盡杯中淥。	2	677
<射弩>	張見舊史，強弩亦古官。如何壯夫事，今作儒者歡。罰郡在僻左，時清政多閑。戎裝命賓侶，作此開愁顏。吳弩號健捷，僕夫爲吾彎。正侯廢已久，畫紙爲雕盤。日暈生幾重，挂壁何團團。記籌鼓聲急，中的酒量寬。誠非軍旅事，亦有堵牆觀。安得十萬枝，長驅過桑乾。射彼老上庭，奪取燕脂山。不見一匈奴，直抵瀚海還。北方盡納款，獻壽天可汗。吾徒久不武，干祿爲飢寒。所得纔升，齷齪在朝班。不如執戈士，意氣登韓壇。笑擁白玉妓，醉馳黃金鞍。郎官一生俸，供爾數月間。儒將古所重，料兵如轉丸。誰知戴章甫，終老弄辛酸。偶因兒戲爲，痛念邊事艱。臨風自慷慨，素髮衝儒冠。	2	677-678
<黑裘>	野蠶自成繭，繰絡爲山紬。此物產何許，萊夷負海	2	678

	州。一端重數斤，裁染爲吾裘。守黑異華楚，示儉非輕柔。燻香則無取，風雪曾何憂。朝可奉冠帶，夜以爲衾裯。晏嬰三十年，庶幾跡相侔。季子苦貂弊，吾服仍爲優。不恥狐貉者，亦當師仲由。況我屢遷謫，行將耕故丘。映髮垂鸞頂，植杖昂鳩頭。袖寬可以舞，老農即爲儔。紫綬掛君門，任爾爭封侯。		
<聞鴉>	<p>滌，楚地也，郡堞之上鴉巢焉。秋冬永夕，鳴嘯不已，妻子驚吒，或終夜不寐，因作詩以喻之，且徵前賢放逐而聞是鳥者，總而述云，以見吾志。</p> <p>元精育萬彙，羽族何茫茫。爲怪有鴉鴉，爲瑞稱鳳皇。鳳皇不時出，未識五色章。吾生在鄒魯，風土殊遠方。鳴鳩隨乳燕，日夕巢我梁。翩翾雜鳥雀，穿屋率爲常。又從筮仕來，五年居帝鄉。更直入承明，侍宴趨未央。上林聞鶯囀，巧舌如笙簧。鴉鴉徒知名，聞見實未嘗。頃年謫商山，聽之已悲涼。今茲出內庭，罰郡來永陽。誰知爾鸛馱，營巢在城牆。年加睡漸少，秋盡漏且長。鳴嘯殊不已，歷歷含微霜。孺人泣我右，稚子啼我傍。吾心非達士，詎免亦佺佺。人生縱百歲，忽若石火光。其間有窮通，幽昧難自量。我愛皋與夔，峨冠虞舜堂。簫韶聞九成，丹穴來鏘鏘。又愛閔與散，陳力遇文王。鸞鸞聽岐山，多士周道昌。嗟嗟漢賈誼，年少謫南荒。故有鵬鳥賦，倚伏理甚詳。郇公暨鄴侯，放逐同一邦。夜深聞此鳥，韋公涕霑裳。李侯舉酒令，斯音非不祥。坐客如不聞，罰之以巨觴。遂使惡鳥聲，聽之靡所傷。贊皇貶袁州，懷鴉義亦臧。乃知昔賢哲，未免亦悽惶。況予不肖者，冒寵登朝行。報國惟直道，謀身昧周防。四年兩度黜，鬢髮已蒼蒼。雖得五品官，銷盡百鍊鋼。何當解印綬，歸田謝膏粱。教兒勤稼穡，與妻甘糟糠。鳳來非我慶，號集非吾殃。優游盡天年，身世俱可忘。</p>	2	678-679
<甘菊冷淘>	<p>經年厭梁肉，頗覺道氣渾。孟春奉齋戒，敕廚唯素飧。淮南地甚暖，甘菊生籬根。長芽觸土膏，小葉弄晴暉。采采忽盈把，洗去朝露痕。俸麵新且細，漉攝如玉墩。隨刀落銀鏤，煮投寒泉盆。雜此青青色，芳草敵蘭蓀。一舉無子遺，空媿越 存。解衣露其腹，稚子爲我捫。飽慚廣文鄭，飢謝魯山元。</p>	2	679

	況吾草澤士，藜藿供朝昏。謬因事筆硯，名通金馬門。官供政事食，久直紫微垣。誰言謫滁上，吾族飽且溫。既無甘旨慶，焉用品味繁。子美重槐葉，直欲獻至尊。起予有遺韻，甫也可與言。		
<啄木歌>	淮南啄木大如鴉，頂似仙鶴堆丹砂。嘴長數寸勁如鐵，丁丁亂鑿乾枯查。黃柑紅桃多有蠹，受命鳳皇須破柱。何當更與繡衣裳，羽族橫飛作持斧。	2	789
<秋鶯歌>	淮南八月尚有鶯，關關無異來時聲。東風擡舉如篁舌，何事經秋猶未絕。饑鸞病鶴亦能鳴，鳳鳥不聽何處說。	2	788-789
<制除工部郎中出內署> 下滁州作	溫樹陰中別玉堂，應星猶得入文昌。莫嫌工部官曹慢，杜甫才名是外郎。	2	751
<詔知滁州軍州事因題二首>	曉直銀臺作侍臣，暮爲郎吏入埃塵。一生大抵如春夢，三黜何妨似古人。不稱禁中批紫詔，猶教淮上擁朱輪。時清郡小應多暇，感激君恩養病身。罷直金鑾領一麾，依前憔悴詠江蘼。所嗟吾道關消長，豈爲微軀繫盛衰。 尚愧臨民爲父母，終當學稼養妻兒。自憐此度辭京闕，猶勝商山副使時。	2	751
<滁州官舍> 二首	忽從天上謫人間，知向山州住幾年。俸外不教收果實，公餘多愛入林泉。朝簪未解雖妨道，宦路無機即是禪。鈴閣悄然私自問，郡齋何異玉堂前。 失職金鑾假一麾，瑯邪山色遶城池。解龜且作三年調，下馬先吟八絕詩。勾檢簿書寧免俗，逢迎使命亦隨時。公餘不敢妨吟詠，異日聲名繼至之。	2	751
<堂前井>	公署在山上，鑿泉深且清。一杯水溜滿，六月火雲生。利物誠堪拜，投錢惡近名。飲之何以報，官況與詩情。	2	752
<荒亭晚作>	荒亭秋日沈，獨坐白頭吟。爲郡殊無味，歸田素有心。鵲翻楓葉亂，蜚響菊叢深。微物休相聒，幽懷老不禁。	2	752
<身世>	淮邊爲小郡，身世復何云。妻病無醫藥，兒癡廢典墳。簪裳看似夢，俸祿薄如雲。不作歸耕計，何階望致君。	2	752
<瑯琊山> 東晉元帝以瑯琊王渡江，常駐此山，故溪山皆	連袞復峩嶢，峰巒架沆寥。流名自東晉，積翠滿南譙。洞碧通仙界，溪明潤藥苗。古臺臨海日，絕頂	2	752-753

附錄 2 北宋前期貶謫詩

有瑯邪之號，不知晉已前何名也	見江潮。杉影擎雲暗，泉聲出竹遙。廟碑傳漢祖，寺額認唐朝。早歲時霑稼，靈蹤合禁樵。詩章因我盛，屏障遣誰描。近住人多秀，頻登酒易銷。圖經標八絕，灑霍合相饒。		
<爲郡>	爲郎爲郡意何闌，羞拂朝纓蓋病顏。賜筆任分雙管赤，梳頭已是二毛斑。道孤自合先歸隱，俸薄無由便買山。出坐兩衙皆勉強，此心長在水雲間。	2	753
<自笑>	年來失職別金鑾，身世漂淪鬢髮殘。貧藉俸錢猶典郡，老爲郎吏是何官。開樽暫喜愁腸破，堆案仍勞病眼看。自笑不歸田里去，謾將名姓掛朝端。	2	753
<夜長>	後樓前閣互嚴更，年鬢侵人睡漸輕。病眼已甘書冊廢，愁腸猶取酒杯傾。風搖紙帳燈花碎，月照銅壺漏水清。吟盡舊詩猶展轉，百迴移枕未天明。	2	753
<與嘉祐同遊寶應寺>	滁陽領郡經三月，寶應遊山始一迴。屐齒免憂巖下折，簿書長苦案頭堆。泠泠泉石吟魂健，漠漠煙嵐病眼開。盡日引渠尋勝境，讀碑看篆掃蒼苔。	2	753
<迂儒>	自笑是迂儒，誠宜與世疏。左遷猶上疏，薄俸亦抄書。漠漠花侵眼，蕭蕭髮映梳。唯當早休去，幽處卜吾廬。	2	754
<花鹿>	花鹿一何馴，長隨病使君。必教吾在野，當與爾爲群。靜飲清溪水，閑眠碧洞雲。猶勝市朝裏，逐眾走紛紛。	2	754
<今冬>	休思官職落青雲，且算今冬養病身。白紙糊窗堪聽雪，紅爐著火別藏春。旋篋官醞漂浮蟻，時取溪魚削白鱗。況是豐年公事少，爲郎爲郡似閑人。	2	754
<滁上謫居四首>	跡去金鑾殿，官移玉筍班。才高寧免妒，命薄不如閑。曉鑑悲華髮，春醪慰病顏。爲郎身漸老，自笑不歸山。 跡忝詞林舊，官爲郎署卑。同群甘鳥獸，苟祿爲妻兒。未有一事立，空驚雙鬢衰。唯憐文集裏，添得謫官詩。 敢歎我命薄，所嗟吾道消。謫官淮上老，京信日邊遙。巧宦或五鼎，甘貧唯一瓢。居然古人事，名跡詎相饒。 一日復一日，悠悠任此生。所悲頻謫宦，不是厭專城。有悔皆因祿，無凶未若耕。林泉何處好，終卜	2	754-755

	挂吾纓。		
<戲題二章述滁州官 況寄翰林舊同院>	要知滁上興如何，養拙偷安幸亦多。小郡既無衣襖使，豐年兼有褲襦歌。公餘處處攜山屐，官醞時時泛海螺。病眼白頭唯醉睡，朝廷好事不聞他。要見滁州謫宦情，信緣隨俗且營營。不誇兩制詞臣貴，多伴三班奉職行。樓堞倚空乘月上，樽罍有酒對山傾。昇沉得喪何須問，況是浮生已半生。	2	755
<高閑>	謫宦滁上欲何爲，唯把高閑度歲時。費盡俸錢因合藥，忙於公事是吟詩。京中吏去慵傳信，江外僧來與撰碑。更待吾家婚嫁了，解龜休致未全遲。	2	755
<臘月>	臘月滁州始覺寒，年豐歲暮郡齋閑。官供好酒何憂雪，天與新詩合看山。日照野塘梅欲綻，燒迴荒逕草猶斑。吏人散後無公事，門戟森森夕鳥還。	2	755
<雪中看梅花因書詩 酒之興>	冬來滁上興何長，唯把吟情入醉鄉。雪片引詩勝玉帛，梅花勸酒似嬪嬙。凝眸未厭頻頻落，擁鼻還憐細細香。謫宦老郎無一物，清貧猶且放懷狂。	2	755
<朝簪>	一戴朝簪已十年，半居謫宦半榮遷。壯心無復思行道，病眼唯堪學坐禪。醉謝陶公長欠酒，俸慚吾祖不言錢。白頭郎署成何事，見擬休官自種田。	2	756
<賀呂祐之諫議>	鳳閣前年陪步武，麟臺昔日是交游。先歸內署身雖忝，直上高坡命更優。玉筍外郎全棄擲，土山果毅免經由。卻應迴笑滌陽守，官似馮唐半白頭。	2	756
<送都官梁員外同年 之江南轉運>	月宮同歲取丹枝，次第飛翔侍玉墀。出職未吟紅藥樹，轉官新入白雲司。使權繁重雖無暇，曹局清閑合賦詩。不似謫官淮水上，鬢毛衰颯詠江離。	2	756
<酬贈田舍人>	君不見天上星辰拱環極，忽然隕地變成石。又不見雲中鷹隼橫高秋，有時揚翼化作鳩。人生進退甚類此，左遷右轉誰自由。憶昔逢君在鄒魯，翰林丈人東道主。一言得意便定交，數日論文暗相許。邇來倏忽十餘年，共上赤霄連步武。禁中更直承明廬，深喜蒹葭依玉樹。兩制惟君最清慎，筆力辭鋒有餘刃。方期夜直金鑾坡，誰知共理淮陽郡。官銜新換版曹郎，腰佩初懸列侯印。西垣三字班列閑，南面百城資望峻。且應盡意頒詔條，豈復迴頭顧文陣。下車果有謳謠生，賣刀買犢民歸耕。黃髮老農鼓腹唱，雪花雙鹿挾軻行。棠陰露濃滴朱紱，麥秋風冷吹紅旌。行春多暇吟情發，閑作長歌寄同列。歌中	2	778-779

	首寫明君語，指點神仙爲舊侶。嚴徐雖合在蓬瀛，邵杜已聞爲父母。重來便恐調金鉉，無復區區掌文翰。直如經歲未徵黃，道在何勞重嗟嘆。入則步蒼苔，詠紅藥，了事舍人孫處約。出則張皂蓋，擁朱輪，賢明太守召信臣。請君屈指數交友，似此宦名能幾人。逢時誰不欲行道，遇主我亦思庇民。功名富貴皆待命，出處語默聊衛身。一車甘雨方建隼，萬國淳風莫泣麟。他時宣室召賈誼，賢人事業當併伸。簷間忍見烏兔走，鑑裏星星將白首。休耽鈴閣家藏書，且酌郡齋官給酒。嬰兒稚女滿眼前，莫負時光笑開口。		
<霪雨中偶書所見>	丙申二月七，是夕月離畢。春雲忽霪，春雨復蒙密。綿綿殆三旬，不見天上日。謫官在淮甸，幽抱常鬱鬱。豈無瑯邪山，泥濘不可出。空庭唯蚯蚓，得勢互蟠屈。乘茲積陰氣，小穴恣出沒。山禽忽飛下，長嘴啄深窟。倒曳方力爭，強吞遽全失。食土與巢林，上下非儔匹。胡然罹此酷，不能保微質。嗟嗟彼群小，傾奪事匪一。儀鳳去九夷，神龍入泉室。如何役吾眼，瞻視此小物。歸來因浩歎，自悔成詩筆。	2	679-680
<唱山歌>	滁民帶楚俗，下俚同巴音。歲稔又時安，春來恣歌吟。接臂轉若環，聚首叢如林。男女互相調，其詞非奔淫。修教不易俗，吾亦弗之禁。夜闌尙未闕，其樂何愔愔。用此散楚兵，子房謀計深。乃知國家事，成敗因人心。	2	680
<酬楊遂>	楊君江左士，文律何飄飄。人言未冠時，作賦凌洞簫。甲科中南國，通籍趨東朝。轆轤位不進，陶潛還折腰。宰邑向蜀道，蒲忽興妖。官小力不支，奔竄避槍刀。朝廷責守土，黜入縣佐僚。昨朝寫孫憤，遺我有客謠。伊予亦左遷，諷之心無慆。人生一世間，否泰安可逃。姑問道何如，未必論卑高。自古富貴者，撩亂如藜蒿。德業苟無取，未死名已消。豈期顏子淵，不朽在一瓢。推此任窮達，其樂方陶陶。達則爲鸚鵡，窮則爲鷓鴣。垂天與巢林，識分皆逍遙。	2	680
<和楊遂賀雨>	我罷內庭職，出臨永陽民。永陽民雖庶，未免多飢貧。富之既無術，齷齪爲謹身。可堪今夏旱，如燎	2	680-681

	復如焚。厥田本塗泥，坐見生埃氛。稚老無所訴，嗷嗷望穹旻。食祿憂人憂，蚤夜眉不伸。促決獄中囚，遍禱境內神。楚辭有山鬼，廟貌羅水濱。胡法有浮圖，寺宇連城闐。齋莊命寮案，供給抽俸緡。鼓笛迎湫水，香花照金輪。誠知非典故，且慰旱爇人。偶與天雨會，滂滂四郊勻。插秧復修堰，野叟何欣欣。可辦官賦調，亦免農艱辛。變調賴時相，感應由聖君。于吾復何有，敢望歌頌云。清流楊水部，德與我為鄰。仇香官位屈，何遜詩格新。見投賀雨篇，言自人口聞。夫君蓋私我，過實豈相親。為霖非我事，職業唯詞臣。若有民謠起，當歌帝澤春。庶使採詩官，入奏助南薰。		
<賀馮起張秉二舍人>	八年東觀知深屈，百日南床祇暫經。春暖並吟紅藥樹，雲開雙見紫微星。繡衣脫後休持斧，珠履拋來免過廳。應念出官淮水上，被人還笑屈原醒。	2	756
<有傷>	壁上時牌催晝夜，案頭朝報見存亡。懸車又喪司空相，延閣新薨賈侍郎。陶鑄官資經化筆，品題名姓在文場。總惟一慟無由得，徒洒春風淚數行。	2	756-757
<寄杭州西湖昭慶寺華嚴社主省常上人>	夢幻吾身是偶然，勞生四十又三年。任誇西掖吟紅藥，何似東林種白蓮。入定雪龕燈焰直，講經霜殿磬聲圓。謫官不得餘杭郡，空寄高僧結社篇。	2	757
<送鄭褒歸閩中>	褒也甌閩士，文高行益修。干名逢詔罷，歸計逼親憂。鷗鳥終相狎，公卿謾欲留。刺桐花下宅，蘭蕨奉晨羞。	2	757
<贈王巖>	舉子竟文賦，風騷委路塵。吾宗多警句，詩道未無人。青眼有誰是，白頭空鑷頻。賈生如再召，為爾指迷津。	2	757
<病假>	小郡雖無事，常時亦有勞。坐衙衫強著，判案筆須操。眼病因求假，身閑更覺高。何當長似此，歸去老蓬蒿。	2	757
<偶題三首>	賈誼因才逐，桓譚以讖疏。古今常似此，吾道竟何如。興親未葬，張籍眼多昏。何時解印綬，歸去臥山村。白頭厭郎署，病眼欲分司。寸心猶未決，所顧在妻兒。	2	757-758
<司空相公挽歌>三首	全德群儒服，清名信史書。何人不調鼎，唯我得懸車。蕭相文無害，于公慶有餘。三川歸葬地，松檟自扶疏。	2	758

附錄 2 北宋前期貶謫詩

	<p>執禮身雖退，思賢寵未衰。垂行三入命，遽逼九原期。本末皆書史，功名別樹碑。須知文集裏，全似白公詩。</p> <p>去歲頻宣召，觀燈復賞花。健嫌靈壽杖，輕棄富人車。列座先台席，溫顏逼翠華。而今宅前路，雨破築堤沙。</p>		
<和廬州通判李學士見寄二首>	<p>北門西掖久妨賢，出入丹墀近八年。且把一麾淮水上，敢思三接浴堂前。將何政術稱循吏，豈有文章號謫仙。除卻清貧入詩詠，山城坐客冷無氈。</p> <p>金鑾失職下蓬瀛，也向淮邊領郡城。堆案簿書爲俗吏，滿樓山色負吟情。廬江地近音塵斷，何遜詩來格調清。未得樽前一開口，可憐心緒獨搖旌。</p>	2	758
<贈朱巖>	<p>未得科名鬢已衰，年年憔悴在京師。妻裝秋卷停燈坐，兒趁朝餐乞米炊。尙對交朋賒酒飲，遍看卿相借驢騎。誰憐所好還同我，韓柳文章李杜詩。</p>	2	759
<戲和壽州曾祕丞黃黃詩>	<p>黃黃真是小巫娥，買恐千金價不多。別母語嬌空有激，對人聲顫未成歌。產從南國勝桃李，攜去東山隱薜蘿。滌上老郎無妓女，草玄讀易擬如何。</p>	2	759
<又和曾祕丞見贈> 三首	<p>非才誤受帝恩深，報國空存一片心。命薄任從官進退，道孤難與眾浮沉。日邊信斷無歸夢，滌上公餘且醉吟。勞寄新詩遠相唁，野雲何處望爲霖。</p> <p>謬因文字立虛名，寓直金鑾冒寵榮。兩度黜官誰是援，二毛侵鬢自堪驚。宮花謾役春來夢，山蕨聊供醉後羹。身外浮華盡閑物，不將窮達問君平。</p> <p>篋中經歲鎖朝衣，自覺心閑少夢思。失馬叟言徒喻道，牧豬奴戲任爭棋。且持使節安黔首，莫愛恩波沃漏卮。況是無功頭已白，此身長恐負明時。</p>	2	759
<和朱巖留別>	<p>之子有文行，常流竊比難。援毫秋露下，開卷古風寒。場屋推盟主，聲詩立將壇。論儒輕五霸，議古嫉三桓。師仰唯韓愈，才名壓李觀。固窮多短褐，憂道即忘餐。見訪山圍郡，相逢菊滿欄。眼青憐造士，頭白愧郎官。罷舉層霄遠，監州勺水盤。貧廚兼味少，市醞數杯酸。舊業煩君勸，新題爲我刊。臨岐留雅什，天馬撼金鑾。</p>	2	759-760
<賦得紙送朱巖>即 席探題	<p>潔白又方正，似君心坦平。空隨文價貴，未免刺毛生。客被侵霜薄，山窗映雪明。前春懸作榜，應見</p>	2	760

	淡書名。		
<饒州馬殿院頻寄……>	兩州迢遞隔長江，寄藥知君念老郎。妙術遠慚周柱史，衰容爭奈漢馮唐。未除凡骨無仙分，欲斷愁根有醉鄉。多羨繡衣鬚鬢黑，滿身唯帶柏臺霜。	2	760
<送鄭南進士歸洪州>	霜飄楓葉滿長郊，家指西山舊結茅。訪我謫居龍失水，憐君行路鳥焚巢。仲尼未免遭儒戲，楊子何煩解客嘲。歸去豫章泉石好，不知徐孺與誰交。	2	760
<歲暮感懷>	歲暮山城放逐臣，老從霄漢委泥塵。公卿別後全無信，兄弟書來祇說貧。眼看青山休未得，鬢垂華髮摘空頻。文章氣概成何事，霑惹虛名誤此身。	2	760
<送第三人朱巖先輩從事和州>	賃船東下歷陽湖，榜眼科名釋褐初。賓職不憂無厚俸，郡齋唯喜有藏書。伴吟先買秋江鶴，醒酒時烹晚市魚。廉使多情應問我，爲言衰病似相如。	2	775
<送正言楊學士億之任縉雲>	弱冠珥朝簪，才堪入翰林。重違君厚遇，聊奉母懽心。筆削留惇史，囊裝貯賜金。帆張淞河闊，山對括蒼深。暫歇趨朝馬，重聞故國禽。幽蘭南澗採，壽酒北堂斟。務簡慵開閣，家豐不典琴。彩衣方侍養，紅藥即供吟。我占掖垣久，自驚年鬢侵。妨賢兼罔極，相送淚盈襟。	2	775
<壽孫三日>	經年病不飲，此日一開樽。鑑裏休嫌老，懷中已抱孫。紅婦裁錦段，香水浴銀盆。他日歸田去，相扶入葦門。	2	776
<出守黃州上史館相公>	出入西垣與內廷，十年四度直承明。又爲太守黃州去，依舊郎官白髮生。貧有妻賢須薄祿，老無田宅可歸耕。未甘便葬江魚腹，敢向台階請罪名。	2	801
<筵上狂歌送侍棋衣襖天使>	昔事先皇叨近侍，北門西掖清華地。太宗多材復多藝，萬機餘暇翻棋勢。對面千里爲第一，獨飛天蛾爲第二。第三海底取明珠，三陣堂堂皆御製。中使宣來示近臣，天機祕密通鬼神。乃知棋法同軍法，既誠貪心又嫌怯。唯宜靜勝守封疆，不樂窮兵用戈甲。先皇三勢有深旨，豈獨一枰而已矣。當時受賜感君恩，藏於篋笥傳子孫。至道年中出滁上，失腳青雲空悵望。移典維揚日望還，軒轅鼎成飛上天。龍髯忽斷攀不得，舊朝衣上淚潺湲。吾皇曲念先朝物，徵歸再掌西垣筆。悲涼忽見紅藥開，哭臨空隨梓宮出。去年領郡得齊安，山州僻陋在江千。黃民誰識舊學士，白頭猶作老郎官。昨日江邊天使到，	2	787-788

	<p>隨例霑恩著衣襖。皇華本是江南客，久侍先皇對棋弈。筵中偶說當年事，三勢分明皆記得。我從失職別上臺，御書深鎖不將來。遙想棋圖在私室，天香散盡空塵埃。今日因君聊話及，翻作停杯向隅泣。人生不易逢聖朝，君恩未報雙鬢凋。金鑾殿花春灼灼，永熙陵樹夜蕭蕭。空歎拖腸在泥土，不如舐鼎升煙霄。多病相如猶未死，追思往事欲魂銷。星使今辰迴馬首，強對離筵滿傾酒。悲歌一曲從事書，唱與朝中舊知友。</p>		
<p><十月二十日作>是日甚寒，始有冰</p>	<p>重衾又重茵，蓋覆衰身。中夜忽涕泗，無復及吾親。須臾殘漏歇，吏報國忌辰。凌旦騎馬出，溪冰薄潏潏。路傍饑凍者，顏色頗悲辛。飽暖我不覺，羞見黃州民。昔賢終祿養，往往歸隱淪。誰教為妻子，頭白走風塵。修身與行道，多愧古時人。</p>	2	686
<p><瑞蓮歌>并序</p>	<p>宴設都頭宋承武，其先嘗為黃州刺史，有別墅在關城東南，池生瑞蓮。承武來告，因與從事曾校書汎小舟以驗之，退而作歌，以紀其事。</p> <p>江城五月江雨晴，荷花到處紅交橫。宋家池上瑞蓮生，嫋嫋出叢抽一莖。莖端菡萏開兩朵，忽似娥皇將女英。九疑望斷蒼梧暮，低頭並照湘波清。花落蓮成碧於卵，瑟瑟塵輕熨人眼。蕭郎弄玉合卺時，一齊覆下琉璃盞。草木效靈載圖史，守臣盡可聞天子。吾君有詔抑祥瑞，異獸珍禽不為貴。瑞蓮無路達冕旒，也隨眾卉老池頭。吏民歸美賀郡守，敢貪天功為己有。古來善政數杜詩，桑無附枝麥兩歧。瑞蓮信美產茲土，起予謾作閑歌辭。年年更願再熟稻，倉箱免使吾民饑。</p>	2	786-787
<p><江豚歌></p>	<p>江豚江豚爾何物，吐浪噴波身突兀。依憑風水恣豚豪，吞啗魚蝦頗肥腴。肉腥骨硬難登俎，雖有網羅嫌不取。江雲漠漠江雨來，天意為霖不干汝。</p>	2	789

2 歐陽脩

詩題	內容	冊	頁
<猛虎>	猛虎白日行，心閑貌揚揚。當路擇人肉，羆豬不形相。頭垂尾不掉，百獸自然降。暗禍發所忽，有機埋路傍。徐行自踏之，機翻矢穿腸。怒吼震林丘，瓦落兒墮床。已死不敢近，目睛射餘光。虎勇恃其外，爪牙利鉤鋸。人形雖羸弱，智巧乃中藏。恃外可摧折，藏中難測量。英心多決烈，自信不猜防。 老狐足姦計，安居穴垣墻。窮冬聽冰渡，思慮豈不長。引身入扱中，將死猶跳踉。	6	3583
<三遊洞>	探奇冒層嶮，因以窮人境。弄舟終日愛雲山，徒見青蒼杳靄間。誰知一室煙霞裏，乳竇雲映凝石髓。蒼崖一徑橫查渡，翠壁千尋當戶起。昔人心賞爲誰留，人去山阿跡更幽。青蘿綠桂何岑寂，山鳥嚶嚶不驚客。松鳴澗底自生風，月出林間來照席。仙境難尋復易迷，山回路轉幾人知。惟應洞口春花落，流出巖前百丈谿。	6	3586
<下牢溪>	隔谷聞溪聲，尋溪度橫嶺。清流涵白石，靜見千峰影。巖花無時歇，翠柏鬱何整。安能戀潺湲，俯仰弄雲景。	6	3586
<蝦 碕>	石溜吐陰崖，泉聲滿空谷。能邀弄泉客，繫舸留巖腹。陰精分月窟，水味標茶錄。共約試春芽，槍旗幾時綠。	6	3586
<黃牛峽祠>	大川雖有神，淫祀亦其俗。石馬繫祠門，鳥噪叢木。潭潭村鼓隔溪聞，楚巫歌舞送迎神。畫船百丈山前路，上灘下峽長來去。江水東流不暫停，黃牛千古長如故。峽山侵天起青嶂，崖崩路絕無由上。 黃牛不下江頭飲，行人惟向舟中望。朝朝暮暮見黃牛，徒使行人過此愁。山高更遠望猶見，不是黃牛滯客舟。	6	3586-3587
<千葉紅梨花> <small>峽州署中舊有此花，前無賞者，知郡朱序中始加欄檻，命坐客賦之</small>	紅梨千葉愛者誰，白髮郎官心好奇。徘徊繞樹不忍折，一曰千匝看無時。夷陵寂寞千山裏，地遠氣偏時節異。愁煙苦霧少芳菲，野卉蠻花鬥紅紫。可憐此樹生此處，高枝絕豔無人顧。春風吹落復吹開，山鳥飛來自飛去。根盤樹老幾經春，真賞今纔遇使君。風輕絳雪罽前舞，日暖繁香露下聞。從來奇物產天涯，安得移根植帝家。猶勝張騫尤爨使，辛勤西域徙榴花。	6	3587
<金雞五言十四韻>	蠻荆鮮人秀，厥美爲物怪。禽鳥得之多，山雞稟其粹。眾綵爛成文，真色不可繪。仙衣霓紛披，女錦花綵繡。輝華	6	3587

	日光亂，眩轉目睛憊。高田啄秋粟，下澗飲寒瀨。清喉或相呼，舞影還自愛。豈知文章累，遂使網羅掛。及禍誠有媒，求友反遭賣。有身乃吾患，斷尾亦前戒。不群世所驚，甚美眾之害。稻梁雖云厚，樊紮豈為泰。山林歸無期，羽翮日已鍛。用晦有前言，書之可為誡。		
<和丁寶臣遊甘泉寺>	江上孤峰蔽綠蘿，縣根終日對嵯峨。叢林已廢姜祠在，事跡難尋楚語訛。空餘一派寒巖側，澄碧泓渟涵玉色。野僧豈解惜清泉，蠻俗那知為勝跡。西陵老令好尋幽，時共登臨向此遊。欹危一逕穿林樾，盤石蒼苔留客歇。山深雲日變陰晴，澗柏巖松度歲青。谷裏花開知地暖，林間鳥語作春聲。依依渡口夕陽時，欲望層巒在翠微。城頭暮鼓休催客，更待橫江弄月歸。	6	3587-3588
<送姜秀才遊蘇州>	憶從太學諸生列，我尙弱齡君秀發。同時並薦幾存亡，一夢十年如倏忽。壯心君未減青春，多難我今先白髮。山花撩亂鳥綿蠻，更盡一樽明日別。	6	3609
<送京西提點刑獄張駕部>	太華之松千歲青，嘗聞其下多茯苓。也靈山秀草木異，往往變化為人形。神仙不欲世人採，覆以雲氣常冥冥。臺郎何年得真訣，服餌既久毛骨清。汝陽昔見今十載，丹顏益少方瞳明。郡齋政成罇俎樂，高談日接無俗情。詔書忽下透美績，使車朝出行屬城。職清事簡稱雅意，蠹書古篋晨裝輕。洛陽花色笑春日，錦衣晝歸問里驚。白云就欲謝官去，烏紗白髮西臺卿。他年我亦老嵩少，願乞仙粒分餘馨。	6	3588
<病中代書奉寄聖俞二十五兄>	憶君去年來自越，值我傳車催去闕。是時新秋蟹正肥，恨不一醉與君別。今年得疾因酒作，一春不飲氣彌劣。飢腸未慣飽甘脆，九蟲寸白爭為孽。一飽猶能致身患，寵祿豈無神所罰。乃知賦予分有涯，適分自然無夭闕。昔在洛陽年少時，春思每先花亂發。萌芽不待楊柳動，探春馬蹄常踏雪。到今年纔三十九，怕見新花羞白髮。顏侵塞下風霜色，病過鎮陽桃李月。兵閑事簡居可樂，心意自衰非屑屑。日長天暖惟欲睡，睡美尤厭春鳩聒。北潭去城無百步，淥水冰銷魚撥刺。經時曾未著腳到，好景但聽遊人說。官榮雖厚世味薄，始信衣纓乃羈絆。故人有幾獨思君，安得見君憂暫豁。公廚酒美遠莫致，念君賞飲衣屢脫。郭生書來猶未到，想見新詩甚飢渴。少年事事今已去，惟有愛詩心未歇。君閑可能為我作，莫辭自書藤紙滑。少低筆力容我和，無使難追韻高絕。	6	3597
<鎮陽殘杏>	鎮陽二月春苦寒，東風力弱冰雪頑。北潭跬步病不到，何	6	3597-3598

>	暇騎馬尋郊原。鷗丘新晴暖已動，砌下流水來潺潺。但聞簷間鳥語變，不覺桃杏開已闌。人生一世浪自苦，盛衰桃杏開落間。西亭昨日偶獨到，猶有一樹當南軒。殘芳爛漫看更好，皓若春雪團枯繁。無風已恐自零落，長條可愛不可攀。猶堪攜酒醉其下，誰肯伴我頽巾冠。		
<斑斑林間 鳩寄內>	<p>班班林間鳩，穀穀命其匹。迨天之未雨，與汝勿相失。春原洗新霽，綠葉暗朝日。鳴聲相呼和，應答如吹律。深棲柔桑暖，下啄高田實。人皆笑汝拙，無巢以家室。易安由寡求，吾羨拙之佚。吾雖有室家，出處曾不一。荆蠻昔竄逐，奔走若鞭挾。山川瘴霧深，江海波濤。跬步子所同，淪棄甘共沒。</p> <p>投身去人眼，已廢誰復嫉。山花與野草，我醉子鳴瑟。但知貧賤安，不覺歲月忽。還朝今幾年，官祿霑兒姪。身榮責愈重，器小憂常溢。今年來鎮陽，留滯見春物。北潭新漲淥，魚鳥相磬。我意不在春，所憂空自咄。一官誠易了，報國何時畢。高堂母老矣，衰髮不滿櫛。昨日寄書言，新陽發舊疾。</p> <p>藥食子雖勤，豈若我在膝。又云子亦病，蓬首不加佛。書來本慰我，使我煩憂鬱。思家春夢亂，妄意占凶吉。卻思夷陵囚，其樂何可述。前年辭諫署，朝議不加乞。孤忠一許國，家事豈復卹。橫身當眾怒，見者旁可慄。近日讀除書，朝廷更輔弼。君恩優大臣，進退禮有秩。小人妄希旨，論議爭操筆。又聞說朋黨，次第推甲乙。而我豈敢逃，不若先自劾。上賴天子聖，必未加斧鑕。一身但得貶，群口息啾唧。公朝賢彥眾，避路當揣質。苟能因謫去，引分思藏密。還爾禽鳥性，樊籠免驚怵。子意其謂何，吾謀今已必。子能甘藜藿，我易解簪紱。嵩峰三十六，蒼翠爭聳出。安得攜子去，耕桑老蓬葦。</p>	6	3598
<暮春有感 >	幽憂無以銷，春日靜愈長。薰風入花骨，花枝午低昂。往來採花蜂，清蜜未滿房。春事已爛漫，落英漸飄揚。蛺蝶無所爲，飛飛助其忙。啼鳥亦屢變，新音巧調簧。遊絲最無事，百尺拖晴光。天工施造化，萬物感春陽。我獨不知春，久病臥空堂。時節去莫挽，浩歌自成傷。	6	3599
<鎮陽讀書 >	春深夜苦短，燈冷焰不長。塵蠹文字細，病眸無光。坐久百骸倦，中遭群慮戕。尋前顧後失，得一念十忘。乃知學在少，老大不可彊。廢書誰與語，歎息自悲傷。因憶石夫子，徂徠有茅堂。前年來京師，講學居上庠。青衫綴朝	6	3599-3600

	士，面有數畝桑。不耐群兒嗤，束書歸故鄉。卻尋茅堂在，高臥泰山傍。聖經日陳前，弟子羅兩廂。大論叱佛老，高聲誦虞唐。賓朋足棗栗，兒女飽糟糠。雖云待官闕，便欲解朝裳。有似蠶作繭，縮身思自藏。嗟我一何愚，貪得不自量。平生事筆硯，自可娛文章。開口攬時事，論議爭煌煌。退之嘗有云，名聲暫羶香。誤蒙天子知，侍從列班行。官榮日已寵，事業闇不彰。器小以任大，躋顛理之堂。聖君雖不誅，在汝豈自違。不能雖欲止，怳若失其方。卻欲尋舊學，舊學已榛荒。有類邯鄲步，兩失皆茫茫。便欲乞身去，君恩厚須償。又欲求一州，俸錢買歸裝。譬如歸巢鳥，將棲少徊翔。自覺誠未晚，收愚老縑緇。		
<留題鎮陽潭園>	官雖鎮陽居，身是鎮陽客。北園潭上花，安問誰所植。春風無先後，爛漫爭紅白。一花聊一醉，盡醉猶須百。而我病不飲，對花空歎息。朝來不能歸，暮看不忍摘。謂言花縱落，滿地猶可席。不來纔幾時，人事已非昔。芳枝結青杏，翠葉新奕奕。落絮風卷盡，春歸不留跡。空餘綠潭水，尚帶餘春色。疑春竟何之，意謂追可得。東西遶潭行，蜂鳥已寂寂。惘然無所依，歸駕不停輒。寓興誠可樂，留情豈非惑。至今清夜夢，猶遶北潭北。	6	3600
<讀蟠桃詩寄子美>	韓孟於文詞，兩雄力相當。篇章綴談笑，雷電擊幽荒。眾鳥誰敢和，鳴鳳呼其凰。孟窮苦纍纍，韓富浩穰穰。窮者啄其精，富者爛文章。發生一為宮，拏斂一為商。二律雖不同，合奏乃鏘鏘。天之產奇怪，希世不可常。寂寥二百年，至寶埋無光。郊死不為鳥，聖俞發其藏。患世愈不出，孤吟夜號霜。霜寒入毛骨，清響哀愈長。玉山禾難熟，終歲苦飢腸。我不能飽之，更欲不自量。引吭和其音，力盡猶勉彊。誠知非所敵，但欲繼前芳。近者蟠桃詩，有傳來北方。發我衰病思，藹如得春陽。忻然便欲和，洗硯坐中堂。墨筆不能下，怳怳若有亡。老雞嘴爪硬，不易犯其場。不戰先自卻，雖奔未甘降。更欲呼子美，子美隔濤江。其人雖憔悴，其志獨軒昂。氣力誠當對，勝敗可交相。安得二子接，揮鋒兩交鏘。我亦願助勇，鼓旗譟其旁。快哉天下樂，一釂宜百觴。乖離難會合，此志何由償。	6	3600-3601
<初伏日招王幾道小飲>	北園數畝官墻下，嗟我官居如傳舍。滹沱北渡馬踏冰，西山病歸花已謝。落英不見空繞樹，細草初長猶可藉。空園一鎖不復窺，不覺芳蹊繁早夏。隔墻時時聞好鳥，如得嘉客聽清話。今朝試去繞園尋，綠李橫枝礙行馬。蒲萄憶見	6	3601

	初引蔓，翠葉陰陰還滿架。紅榴最晚子已繁，猶有殘花藏葉罅。人生有酒復何求，官事無了須偷暇。古云伏日當早歸，況今著令許休假。能來解帶相就飲，爲子掃月開風榭。		
<白髮喪女師作>	吾年未四十，三斷哭子腸。一割痛莫忍，屢痛誰能當。割腸痛連心，心碎骨亦傷。出我心骨血，灑爲清淚行。淚多血已竭，毛膚冷無光。自然鬚與鬢，未老先蒼蒼。	6	3602
<永陽大雪>	清流關前一尺雪，鳥飛不度人行絕。冰連谿谷麋鹿死，風勁野田桑柘折。江淮卑濕殊北地，歲不苦寒常疫癘。老農自言身七十，曾見此雪纔三四。新陽漸動愛日輝，微和習習東風吹。一尺雪，幾尺泥，泥深麥苗春始肥。老農爾豈知帝力，聽我歌此豐年詩。	6	3602
<送章生東歸>	窮山荒僻人罕顧，子以一身千里來。問子之勤何所欲，自慚報子無瓊瑰。非徒多難學久廢，世事漸懶由心衰。吳興先生富道德，侏侏弟子皆賢材。鄉間禮讓已成俗，餘風漸被來江淮。子年方少力可勉，往與夫子爲顏回。	6	3602
<啼鳥>	窮山候至陽氣生，百物如與時節爭。官居荒涼草樹密，撩亂紅紫開繁英。花深葉暗耀朝日，日暖眾鳥皆嚶鳴。鳥言我豈解爾意，綿蠻但愛聲可聽。南窗睡多春正美，百舌未曉催天明。黃鸝顏色已可愛，舌端啞如嬌嬰。竹林靜啼青竹爭，深處不見惟聞聲。陂田遶郭白水滿，戴勝穀穀催春耕。誰謂鳴鳩拙無用，雄雌各自知陰暄。雨聲蕭蕭泥滑滑，草深苔綠無人行。獨有花上提葫蘆，勸我沽酒花前傾。其餘百種各嘲哂，異鄉殊俗難知名。我遭讒口身落此，每聞巧舌宜可憎。春到山城苦寂寞，把盞常恨無娉婷。醉與花鳥爲交月。花能嫣然顧我笑，鳥勸我飲非無情。身閑洒美惜光景，惟恐鳥散花飄零。可笑靈均楚澤畔，離騷憔悴愁獨醒。	6	3603
<遊瑯琊山>	南山一尺雪，雪盡山蒼然。澗谷深自暖，梅花應已繁。使君厭騎從，車馬留山前。行歌招野泉，共步青林間。長松得高蔭，盤石堪醉眠。止樂聽山鳥，撫琴寫幽泉。愛之欲忘返，但苦世俗牽。歸時始覺遠，明月高峰巔。	6	3603-3604
<讀徂徠集>	徂徠魯東山，石子居山阿。魯人之所瞻，子與山嵯峨。今子其死矣，東山復誰過。精魄已埋沒，文章豈能磨。壽命雖不長，所得固已多。舊稿偶自錄，滄溟之一蠹。其餘誰付與，散失存幾何。存之警後世，古鑑照妖魔。子生誠多難，憂患靡不罹。宦學三十年，六經老研摩。問胡所專心，仁義丘與軻。揚雄韓愈氏，此外豈知他。尤勇攻佛老，奮	6	3604

	筆如揮戈。不量敵眾寡，膽大身 麼。往年遭母喪，泣血走岷峨。垢面跣雙足，鋤犁事田坡。至今鄉里化，孝悌勤蠶禾。昨者來太學，青衫踏朝靴。陳詩頌聖德，厥聲續猗那。羔鴈聘黃晞，晞驚走鄰家。施爲可怪駭，世俗安委蛇。謗口由此起，中之若飛梭。上賴天子明，不挂網者羅。憶在太學年，大雪如翻波。生徒日盈門，飢坐列鴈鵝。絃誦聒鄰里，唐虞賡詠歌。常續最高第，騫游各名科。豈止學者師，謂宜國之皤。夭壽反仁鄙，誰尸此偏頗。不知者，又忍加詆訶。聖賢要久遠，毀譽暫誼譁。生爲舉世疾，死也魯人嗟。作詩遺魯社，祠子以爲歌。		
<大熱二首>	四時成萬物，寒暑迭鈞陶。壯陽當用事，大夏蒸炎歊。造化本無情，怨咨徒爾勞。身微天地闊，四顧無由逃。九門閭闔開，萬仞鬯崙高。積雪寒凜凜，清風吹寥寥。嗟我雖欲往，而身無羽毛。陽暉爍四野，萬里纖雲收。羲和困路遠，正午當空留。枝條不動影，草木皆含愁。深林虎不嘯，臥喘如吳牛。蝸蟬一何微，嗟爾徒啾啾。	6	3604-3605
<幽谷泉>	踏石弄泉流，尋源入幽谷。泉傍野人家，四面深篁竹。漑稻滿春疇，鳴渠遶茅屋。生長飲泉甘，蔭泉栽美木。潺湲無春冬，日夜響山曲。自言今白首，未慣逢朱轂。顧我應可怪，每來聽不足。	6	3605
<百子坑賽龍>	嗟龍之智誰可拘，出入變化何須與。壇平樹古潭水黑，沉沉影響疑有無。四山雲霧忽晝合，瞥起直上擎空虛。龜魚帶去半空落，雷鞀電走先後驅。傾崖倒澗聊一戲，頃刻萬物皆涵濡。青天卻掃萬里靜，但見綠野如雲敷。明朝老農拜潭側，鼓聲坎坎鳴山隅。野巫醉飽廟門闔，狼藉烏鳥爭殘餘。	6	3605
<憎蚊>	擾擾萬類殊，可憎非一族。甚哉蚊之微，豈足汙簡牘。乾坤量廣大，善惡皆含育。荒茫三五前，民物交相黷。禹鼎象神姦，蛟龍遠潛伏。周公驅猛獸，人始居川陸。爾來千百年，天地得清肅。大患已云除，細微遺不錄。蠅虻蚤虱蟻，蜂蝎虻蛇蝮。惟爾於其間，有形纔一粟。雖微無柰眾，惟小難防毒。嘗聞高郵間，猛虎死凌辱。哀哉露筋女，萬古讎不復。水鄉自宜爾，可怪窮邊俗。晨飧下帷幃，盛暑泥駒犢。我來守窮山，地氣尤卑溽。官閑懶所便，惟睡宜偏足。難堪爾類多，枕席厭緣撲。燠簷苦煙埃，燎壁疲照燭。荒城繁草樹，旱氣飛炎焔。羲和驅日車，當午不轉轂。清風得夕涼，如赦脫囚梏。掃庭露青天，坐月蔭嘉木。汝	6	3605-3606

	寧無他時，忍此見迫促。翾翾伺昏黑，稍稍出壁屋。填空來若翳，聚隙多可掬。叢身疑陷圍，聒耳如遭哭。猛攘欲張拳，暗中甚飛鏃。手足不自救，其能營背腹。盤餐勞扇拂，立寐僵僮僕。端然窮百計，還坐暝雙目。於吾固不較，在爾誠爲酷。誰能推物理，無乃乖人欲。騶虞鳳凰麟，千載不一矚。思之不可見，惡者無由逐。	
<重讀徂徠集>	我欲哭石子，夜開徂徠編。開編未及讀，涕泗已漣漣。勉盡三四章，收淚輒忻懽。切切善惡戒，丁寧仁義言。如聞子談論，疑子立我前。乃知長在世，誰謂已沉泉。昔也人事乖，相從常苦艱。今而每思子，開卷子在顏。我欲貴子文，刻以金玉聯。金可燦而銷，玉可碎非堅。不若書以紙，六經皆紙傳。但當書百本，傳百以爲千。或落於四夷，或藏在深山。待彼謗燄熄，放此光芒懸。人生一世中，長短無百年。無窮在其後，萬世在其先。得長多幾何，得短未足憐。惟彼不可朽，名聲文行然。讒誣不須辨，亦止百年間。百年後來者，憎愛不相緣。公議然後出，自然見媿妍。孔孟困一生，毀逐遭百端。後世苟不公，至今無聖賢。所以忠義士，恃此死不難。當子病方革，謗辭正騰喧。眾人皆欲殺，聖主獨保全。已埋猶不信，僅免斲其棺。此事古未有，每思輒長嘆。我欲犯眾怒，爲子記此冤。下紆冥冥忿，仰叫昭昭天。書於蒼翠石，立彼崔嵬巔。詢求子世家，恨子兒女頑。經歲不見報，有辭未能銓。忽開子遺文，使我心已寬。子道自能久，吾言豈須鑄。	6 3606-3607
<汝瘿答仲儀>	君嗟汝瘿多，誰謂汝土惡。汝瘿雖云苦，汝民居自樂。鄉閭同飲食，男女相媒妁。習俗不爲嫌，譏嘲豈知作。汝山西南險，平地猶礪确。汝樹生擁腫，根株浸溪壑。山川固已然，風氣宜其濁。接境化襄鄧，餘風被伊雒。思予昔曾遊，所見可驚愕。喔喔聞語笑，纍纍滿城郭。傴婦懸甕盎，嬌嬰包卵殼。無由辨肩頸，有類龜縮殼。噫人稟最靈，反不如鳧鶴。駢枝雖形累，小小固可略。癰瘍暫畜聚，決潰終當涸。贅疣附支體，幸或不爲虐。未若此巍然，所生非所託。咽喉繫性命，鍼石難砭削。農皇古神聖，爲世名百藥。豈不有方書，頑然莫銷鑠。溫湯汝靈泉，亦不能湔滌。君官雖謫居，政可瘳民瘼。奈何不哀憐，而反恣訶謔。文辭騁新工，醜怪極名貌。汝土雖多奇，汝女少纖弱。翻愁太守宴，誰與唱清角。乖離南北殊，魂夢山陂邈。握手未知期，寄詩聊一噓。	6 3607

<滄浪亭>	子美寄我滄浪吟，邀我共作滄浪篇。滄浪有景不可到，使我東望心悠然。荒灣野水氣象古，高林翠阜相回環。新篁抽筍添夏影，老 亂發爭春妍。水禽閑暇事高格，山鳥日夕相啾喧。不知此地幾興廢，仰視喬木皆蒼煙。堪嗟人跡到不遠，雖有來路曾無緣。窮奇極怪誰似子，搜索幽隱探神仙。初尋一逕入蒙密，豁目異境無窮邊。風高月白最宜夜，一片瑩淨鋪瓊田。清光不辨水與月，但見空碧涵漪漣。清風明月本無價，可惜祇賣四萬錢。又疑此境天乞與，壯士憔悴天應憐。鷗夷古亦有獨往，江湖波濤渺翻天。崎嶇世路欲脫去，反以身試蛟龍淵。豈如扁舟任飄兀，紅蕖淥浪搖醉眠。丈夫身在豈長棄，新詩美酒聊窮年。雖然不許俗客到，莫惜佳句人間傳。	6	3607-3608
<秋晚凝翠亭>	黃葉落空城，青山遶官廨。風雲淒已高，歲月驚何邁。陂田寒未收，野水淺生派。晴林紫榴坼，霜日紅梨曬。蕭疏喜竹勁，寂寞傷蘭敗。叢菊如有情，幽芳慰孤介。嘉客日可攜，寒醅美新醅。登臨無厭頻，冰雪行即屆。	6	3608
<菱溪大石>	新霜夜落秋水淺，有石露出寒溪垠。苔昏土蝕禽鳥啄，出沒溪水秋復春。溪邊老翁生長見，疑我來視何殷勤。愛之遠徙向幽谷，曳以三犢載兩輪。行穿城中罷市看，但驚可怪誰復珍。荒煙野草埋沒久，洗以石竇清冷泉。朱欄綠竹相掩映，選致佳處當南軒。南軒旁列千萬峰，曾未有此奇嶙峋。乃知異物世所少，萬金爭買傳幾人。山河百戰變陵谷，何為落彼荒溪濱。山經地誌不可究，遂令異說爭紛紜。皆云女媧初鍛鍊，融結一氣凝精純。仰視蒼蒼補其缺，染此紺碧瑩且溫。或疑古者燧人氏，鑛以出火為炮燔。苟非神聖親手跡，不爾孔竅誰雕剜。又云漢使把漢節，西北萬里窮崑崙。行經于闐得寶玉，流入中國隨河源。沙磨水激自穿穴，所以鑄鑿無瑕痕。嗟予有口莫能辯，歎息但以兩手捫。盧仝韓愈不在世，彈壓百怪無雄文。爭奇鬥異各取勝，遂至荒誕無根原。天高地厚靡不有，醜好萬狀奚足論。惟當掃雪席其側，日與嘉客陳清樽。	6	3608-3609
<新霜二首>	天雲慘慘秋陰薄，臥聽北風鳴屋角。平明驚鳥四散飛，一夜新霜群木落。南山鬱鬱舊可愛，千仞巉巖如刻削。林枯山瘦失顏色，我意豈能無寂寞。衰顏得酒猶彊發，可醉豈須嫌酒濁。泉傍菊花方爛漫，短日寒輝相照灼。無情木石尚須老，有酒人生何不樂。荒城草樹多陰暗，日夕霜雲意濃淡。長淮漸落見洲渚，野潦初清收激澗。蘭枯蕙死誰復	6	3609-3610

	<p>弔，殘菊籬根爭豔豔。青松守節見臨危，正色凜凜不可犯。芭蕉芰荷不足數，狼藉徒能污池檻。</p> <p>時行收斂歲將窮，冰雪嚴凝從此漸。咿呦兒女感時節，愛惜朱顏屢窺鑑。惟有壯士獨悲歌，拂拭塵埃磨古 刀。</p>		
<豐樂亭小飲>	<p>造化無情不擇物，春色亦到深山中。山桃溪杏少意思，自趁時節開春風。看花遊女不知醜，古粧野態爭花紅。人生行樂在勉彊，有酒莫負琉璃鍾。主人勿笑花與女，嗟爾自是花前翁。</p>	6	3610
<豐樂亭遊春>三首	<p>綠樹交加山鳥啼，晴風蕩漾落花飛。鳥歌花舞太守醉，明日酒醒春已歸。春雲淡淡日輝輝，草惹行襟絮拂衣。行到亭西逢太守，籃輿酩酊插花歸。紅樹青山日欲斜，長郊草色綠無涯。遊人不管春將老，來往亭前踏落花。</p>	6	3685
<四月九日幽谷見緋桃盛開>	<p>經年種花滿幽谷，花開不暇把一卮。人生此事尚難必，況欲功名書鼎彝。深紅淺紫看雖好，顏色不奈東風吹。緋桃一樹獨後發，意若待我留芳菲。清香嫩蕊含不吐，日日怪我來何遲。無情草木不解語，向我有意偏依依。群芳落盡始爛漫，榮枯不與眾豔隨。念花意厚何以報，唯有醉倒花東西。盛開比落猶數日，清樽尚可三四攜。</p>	6	3610
<秋懷二首寄聖俞>	<p>孤管叫秋月，清砧韻霜風。天涯遠夢歸，驚斷山千重。群物動已息，百憂感從中。日月矢雙流，四時環無窮。隆陰夷老物，摧折壯士胸。壯士亦何為，素絲悲青銅。群木落空原，南山高龍嶺。巉巖想詩老，瘦骨寒愈聳。詩老類秋蟲，吟秋聲百種。披霜掇孤英，泣古弔荒冢。琅玕叩金石，清響聽生悚。何由幸見之，使我滌煩冗。飛鳥下東南，音書無日捧。</p>	6	3610-3611
<希真堂東手種菊花十月始開慶曆七年>	<p>當春種花唯恐遲，我獨種菊君勿訕。春枝滿園爛張錦，風雨須與落顛倒。看多易厭情不專，鬥紫誇紅隨俗好。豁然高秋天地肅，百物衰零誰暇弔。君看金蕊正芬敷，曉日浮霜相照耀。煌煌正色秀可餐，藹藹清香寒愈峭。高人避喧守幽獨，淑女靜容修窈窕。方當搖落看轉佳，慰我寂寥何以報。時攜一樽相就飲，如得貧交論久要。我從多難壯心衰，跡與世人殊靜躁。種花勿種兒女花，老大安能逐年少。</p>	6	3611
<拒霜花>	<p>芳菲能幾時，顏色如自愛。鮮鮮弄霜曉，裊裊含風態。蕙蘭殞秋香，桃李媚春醉。時節雖不同，盛衰終一致。莫笑黃菊花，籬根守憔悴。</p>	6	3611
<瑯琊山六題>	<p><歸雲洞></p> <p>洞門常自起煙霞，洞穴傍穿透谿谷。朝看石上片雲陰，夜</p>	6	3612-3613

	<p>半山前春雨足。</p> <p> < 瑯琊谿 > 空山雪消谿水漲，遊客渡谿橫古槎。不知谿源來遠近，但見流出山中花。</p> <p> < 石屏路 > 石屏自倚浮雲外，石路久無人跡行。我來攜酒醉其下，臥看千峰秋月明。</p> <p> < 班春亭 > 信馬尋春踏雪泥，醉中山水弄清輝。野僧不用相迎送，乘興閑來興盡歸。</p> <p> < 庶子泉 > 庶子遺蹤留此地，寒巖徙倚弄飛泉。古人不見心可見，一片清光長皎然。</p> <p> < 惠覺方丈 > 青松行盡到山門，亂峰深處開方丈。已能宴坐老山中，何用聲名傳海上。</p>		
<p>< 贈無爲軍李道士二首 ></p>	<p>無爲道士三尺琴，中有萬古無窮音。音如石上瀉流水，瀉之不竭由源深。彈雖在指聲在意，聽不以耳而以心。心意既得形骸忘，不覺天地白日愁雲陰。</p> <p>李師琴紋如臥蛇，一彈使我三咨嗟。五音商羽主肅殺，颯颯坐上風吹沙。忽然黃鍾回暖律，當冬草木皆萌芽。郡齋日午公事退，荒涼樹石相交加。李師一彈鳳凰聲，空山百鳥停嘔啞。我怪李師年七十，面目明秀光如霞。問胡以然笑語我，慎勿辛苦求丹砂。惟當養其根，自然燁其華。又云理身如理琴，正聲不可干以邪。我聽其言未云足，野鶴何事還思家。抱琴揖我出門去，獵獵歸袖風中斜。</p>	6	3614
<p>< 別後奉寄聖俞二十五兄 ></p>	<p>長河秋雨多，夜插寒潮入。歲暮孤舟遲，客心飛鳥急。君老忘卑窮，文字或綴緝。余生苦難厄，世險蹈已習。離合二十年，乖睽多聚集。常時飲酒別，今別輒飲泣。君曰吾老矣，不覺兩袖濕。我年雖少君，白髮已揖揖。憶初京北門，送我馬暫立。自茲遭檻阱，一落誰引汲。顛危偶脫</p>	6	3615-3616

	死，藏竄甘自繫。但令身尚在，果得手重執。聞來喜迎前，貌改驚乍揖。別離纔幾時，舊學廢百十。殘章與斷稿，草草各收拾。空窗語青燈，夜雨聽霰霰。明朝解舟南，歸翼縱莫戢。還期明月飲，幸此中秋及。酒酣弄篇章，四坐困供給。歡言正喧譁，別意忽於邑。日暮北亭上，濁醪聊共挹。輕橈動翩翩，晚水明熠熠。行心去雖迫，訣語出猶 。歸來錄君詩，卷軸多 。誰云已老矣，意氣何峩峩。惜哉方壯時，千里足常羸。知之莫予深，力不足呼吸。歎吁偶成篇，聊用綴君什。		
<紫石屏歌>	正當天中時，下照千丈潭。潭心無風月不動，倒影射入紫石巖。月光水潔石瑩淨，感此陰魄來中潛。自從月入此石中，天有兩曜分爲三。清光萬古不磨滅，天地至寶難藏緘。天公呼雷公，夜持巨斧隳嶄巖。墮此一片落千仞，皎然寒鏡在玉 。蝦蟆白兔走天上，空留桂影猶杉杉。景山得之惜不得，贈我意與千金兼。自云每到月滿時，石在暗室光出簷。大哉天地間，萬怪難悉談。嗟予不度量，每事思窮探。欲將兩耳目所及，而與造化爭毫纖。煌煌三辰行，日月尤尊嚴。若令下與物爲比，擾擾萬類將誰瞻。不然此石竟何物，有口欲說嗟如鉗。吾奇蘇子胸，羅列萬象中包含。不惟胸寬膽亦大，屢出言語驚愚凡。自吾得此石，未見蘇子心懷慚。不經老匠先指決，有手誰敢施鐫鑿。呼工畫石持寄似，幸子留意其無謙。	6	3616
<聚星堂前紫薇花>	月從海底來，行上天東南。亭亭紫薇花，向我如有意。高煙晚溟濛，清露晨點綴。豈無陽春月，所得時節異。靜女不爭寵，幽姿如自喜。將期誰顧眄，獨伴我憔悴。而我不彊飲，繁英行亦墜。相看兩寂寞，孤詠聊自慰。	6	3617
<獲麟贈姚闢先輩>	世已無孔子，獲麟意誰知。我嘗爲之說，聞者未免非。而子獨曰然，有如填應箎。惟麟不爲瑞，其意乃可推。春秋二百年，文約義甚夷。一從聖人沒，學者自爲師。崢嶸眾家說，平地生嶮巇。相沿益迂怪，各鬥出新奇。爾來千餘歲，舉世不知迷。焯哉聖人經，照耀萬世疑。自從蒙眾說，日月遭蔽虧。常患無氣力，掃除浮雲披。還其自然光，萬物皆見之。子昔已好古，此經手常持。超然出眾見，不爲俗牽卑。近又脫賦格，飛黃擺銜羈。聖門開大道，夷路肆騰嬉。便可勸眾說，旁通塞多歧。正途趨簡易，慎勿事嶮崎。著述須待老，積勤宜少時。苟思垂後世，大禹尚胼胝。顧我今老矣，兩瞳蝕昏眵。大書難久視，心在力已衰。因	6	3617

	思少自棄，今縱悔可追。戒我以勉子，臨文但吁嘻。		
<喜雨>	大雨雖滂霈，臨轍分晴陰。小雨散浸淫，爲潤廣且深。浸淫苟不止，利澤何窮已。無言雨大小，小雨農尤喜。宿麥已登實，新禾未抽秧。及時一日雨，終歲飽豐穰。夜響流霹靂，晨暉霽蒼涼。川原淨如洗，草木自生光。童稚喜瓜芋，耕夫望陂塘。誰云田家苦，此樂殊未央。	6	3617
<飛蓋橋翫月>	天形積輕清，水德本虛靜。雲收風波止，始見天水性。澄光與粹容，上下相涵映。乃於其兩間，皎皎掛寒鏡。餘暉所照耀，萬物皆鮮瑩。矧夫人之靈，豈不醒視聽。而我於此時，翛然發孤詠。紛昏忻洗滌，俯仰恣涵泳。人心曠而閑，月色高愈。惟恐清夜闌，時時瞻斗柄。	6	3618
<竹間亭>	啾啾竹間鳥，日夕相嚶鳴。悠悠水中魚，出入藻與萍。水竹魚鳥家，伊誰作斯亭。翁來無車馬，非與彈戈并。潛者入深淵，飛者散縱橫。奈何翁屢來，浪使飛走驚。忘爾榮與利，脫爾冠與纓。還來尋魚鳥，傍此水竹行。鳥語弄蒼翠，魚遊翫清澄。而翁乃何爲，獨醉還自醒。三者各自適，要歸亦同情。翁乎知此樂，無厭日來登。高亭照初日，竹影涼蕭森。新篁漸解籜，翠色日已深。雨多苔莓青，幽徑無人尋。靜趣久迺得，暫來聊解襟。清風颯然生，鳴鳥送好音。佳時不易得，濁酒聊自斟。興盡即言返，重來期抱琴。	6	3618
<答呂公著見贈>	晉人歌蟋蟀，孔子錄於詩。因知聖賢心，豈不惜良時。行樂不及早，朱顏忽焉衰。馳光如騾裏，一去不可追。今也不彊飲，後雖悔奚爲。三年謫永陽，陷阱不知危。種樹滿幽谷，疏泉瀉清池。新陽染山木，撩亂發枯枝。無人歌青春，自醺白玉卮。今者苟寬宥，乞州從爾宜。西湖舊已聞，既見又過之。菡萏間紅綠，鴛鴦浮渺瀰。四時花與竹，樽俎動可隨。況與賢者同，薰然襲蘭芝。醪醑寒且醜，清唱婉而遲。四坐各已醉，臨觴獨何疑。昔人逢麴車，流涎尙垂頤。況此盃中趣，久得樂無涯。多憂衰病早，心在良可噫。譬若臥櫪馬，聞鞞尙鳴悲。春膏已動脈，百卉漸葳蕤。丹砂得新方，舊疾庶可治。尙可執鞭弭，周旋以忘疲。	6	3618-3619
<青松贈林子>	青松生而直，繩墨易爲功。良玉有天質，少加磨與。子誠懷美材，但未遭良工。養育既堅好，英華充厥中。於誰以成之，孟韓苟暨雄。	6	3619
<人日聚星堂燕集探韻>	汙池以其下，眾流之所鍾。尺水無長瀾，蛟龍豈其容。顧予誠鄙薄，群俊枉高蹤。得一不爲少，雖多肯辭豐。譬如	6	3619-3620

得豐字>	登圓壇，羅列壁與琮。又若饗鈞天，左右間笙鏞。文章爛照耀，應和相撞舂。而予處其間，眩晃不知從。退之亦嘗云，青蒿倚長松。新陽發群枯，生意漸丰茸。暮雪浩方積，醅醑寒更濃。毋言輕此樂，此樂難屢逢。		
<送焦千之秀才>	焦生獨立士，勢利不可恐。誰言一身窮，自待九鼎重。有能揭之行，可謂仁者勇。呂侯相家子，德義勝華寵。焦生得其隨，道合若膠鞏。始生及吾門，徐子喜驚踊。曰此難致寶，一失何由踵。自吾得二生，粲粲獲雙珙。奈何奪其一，使我意紛。吾嘗愛生材，抽擢方鬱鬱。猶須老霜雪，然後見森聳。況從主人賢，高行可傾竦。讀書趨簡要，害說去雜冗。新文時我寄，庶可蠲煩壅。	6	3621
<伏日贈徐焦二生>	徐生純明白玉璞，焦子皎潔寒泉冰。清光瑩爾互輝映，當暑自可消炎蒸。平湖綠波漲渺渺，高樹古木陰層層。嗟哉我豈不樂此，心雖欲往身未能。俸優食飽力不用，官閑日永睡莫興。不思高飛慕鴻鵠，此愁臥償蚊蠅。三年永陽子所見，山林自放樂可勝。清泉白石對斟酌，巖花野鳥為交朋。崎嶇澗谷窮上下，追逐猿狖爭超騰。酒美賓佳足自負，飲酣氣橫猶驕矜。奈何乖離纔幾日，蒼顏非舊白髮增。疆歡徒勞歌且舞，勉飲寧及合與升。行揩眼眇旋看物，坐見樓閣先愁登。頭輕目明腳力健，羨子志氣將飄凌。只今心意已如此，終竟事業知何稱。少壯及時宜努力，老大無堪還可憎。	6	3621
<寄生槐>	檜惟凌雲材，槐實凡木賤。奈何柔脆質，累此孤高幹。龍鱗老蒼蒼，鼠耳光粲粲。因緣初莫原，感吒徒自歎。偷生由附託，得勢爭蔥蒨。方其榮盛時，曾莫見真。欲知窮悴節，宜試以霜霰。萌芽起微薛木，辨別乖先見。剪除初非難，長養遂成患。雖然根性殊，常恐枝葉亂。惟應植者深，幸不習而變。含容固有害，勦絕須明斷。惟當審斤斧，去惡無傷善。	6	3622
<韓公閱古堂>	兵閑四十年，士不識金革。水旱數千里，民流誰壅闕。公初來視之，嘻此乃予責。將法多益辦，萬千由十百。整齊談笑間，進退有寸尺。曰此易為耳，在吾繩與墨。天成而地出，古所重民食。貯儲非一朝，人命在旦夕。惟茲將奈何，敢不竭吾力。木牛尚可運，玉罄猶走糴。因難乃見材，不止將有得。公言初未信，終歲考成績。驕墮識恩威，謳吟起羸瘠。貔貅著行伍，倉廩飽堆積。文章娛閑暇，傳記尋往昔。英英文與武，粲粲圖四壁。酒令列諸將，談鋒摧	6	3622

	辯客。周旋顧視間，是不爲無益。循吏一州守，將軍萬夫敵。於公豈止然，事業本夔稷。富壽及黎庶，威名懾夷狄。當歸廟堂上。有位久虛席。大匠不揮斧，眾工隨指畫。從容任群材，文武各以職。		
<永州萬石亭>	天於生子厚，稟予獨艱哉。超凌驟拔擢，過盛輒傷摧。苦其危慮心，常使鳴聲哀。投以空曠地，縱橫放天才。山窮與水險，下上極沿洄。故其於文章，出語多崔嵬。人跡所罕到，遺蹤久荒頽。王君好奇士，後二百年來。翦薙發幽蒼，搜尋得瓊瑰。咸物不自貴，因人乃爲材。惟知古可慕，豈免今所哈。我亦奇子厚，開編每徘徊。作詩示同好，爲我銘山隈。	6	3622-3623
<答原父>	炎歊鬱然蒸，午景熾方燄。子來清風興，蕭蕭吹几簟。又如沃瓊漿，遽飲不知厭。嗟予學苦晚，白首困鉛槧。危疑奚所質，孔孟久已窳。群儒壑自私，惟子通且贍。幸時丐贏餘，屢得飽飢歉。嚴嚴春秋經，大法誰敢覘。三才失綱紀，五代極昏墊。盜竊恣覬篋，英雄爭奮劍。興亡兩倉卒，事跡多遺欠。纔能紀成敗，豈暇誅姦僭。聞見患孤寡，是非誰證驗。嘗欣同好惡，遂乞指瑕玷。反蒙華袞褒，如譽嫫母豔。救非當在早，已暴何由斂。苟能哀癘瘡，其可惜針砭。風舲或許邀，湖綠方灑灑。	6	3624
<奉答子華學士安撫江南見寄之作>	百姓病已久，一言難遽陳。良醫將治之，必究病所因。天下久無事，人情貴因循。優游以爲高，寬縱以爲仁。今日廢其小，皆謂不足論。明日壞其大，又云力難振。旁窺各陰拱，當職自逡巡。歲月寢隳頽，紀綱遂紛紜。坦坦萬里疆，蚩蚩九州民。昔而安且富，今也迫以貧。疾小不加工，浸淫將遍身。湯劑乃常藥，未能去深根。鍼艾有奇功，暫痛勿吟呻。痛定支體胖，乃知鍼艾神。猛寬相濟理，古語六經存。蠹弊革僥倖，濫官絕貪昏。牧羊而去狼，未爲不仁人。俊乂沉下位，惡去善乃伸。賢愚各得職，不治未之聞。此說乃其要，易知行每艱。遲疑與果判，利害反掌間。捨此欲有爲，吾知力徒煩。家至與戶到，飽飢而衣寒。三王所不能，豈特今所難。我昔忝諫列，日常趨紫宸。聖君堯舜心，閔閔極憂勤。子華當來時，玉音耳嘗親。上副明主意，下寬斯人屯。江南彼一方，巨細到可詢。諭以上恩德，當冬反陽春。吾言乃其概，豈止一方云。	6	3624-3625
<送張洞推官赴永興經>	自古天下事，及時難必成。爲謀於未然，聰者或莫聽。患至而後圖，智者有不能。未遠前日悔，可爲來者銘。熙熙	6	3625-3626

略司>	<p>彼西人，老死織與耕。狂狴一朝叛，烽火四面驚。用兵五六年，首惡竟逃刑。仰賴天子聖，乾坤量包并。苗頑不率德，舜羽舞于庭。謂此雖異類，有生亦含情。藩籬被觸突，譬若豨與。馴擾以芻豢，可呼隨指令。稱藩效臣職，冠帶復人形。四海得休息，瘡痍肉新生。敢問前孰失，恃安而弛兵。酒肴爲善將，循默乃名卿。慮患謂生事，高談笑難行。一方兵遽起，愚智共營營。上煩天子仁，旰食憂吾氓。謀議及臺阜，幽棲訪巖局。小利不足爲，涓流助滄溟。大功難速就，倉卒始改更。徒自益紛擾，何由集功名。乃知深遠畫，施設在安平。今也實其時，鑑前豈非明。嚴嚴經略府，樽俎集豪英。千營飽而嬉，萬馬牧在坰。相公黃閣老，國爲長城。張子美而秀，文章博群經。從軍古云樂，知己土所榮。感激報恩義，當來請長纓。</p>		
<寄聖俞>	<p>凌晨有客至自西，爲問詩老來何稽。京師車馬曜朝日，何用擾擾隨輪蹄。面顏憔悴暗塵土，文字光彩垂虹霓。空腸時如秋蚓叫，苦調或作寒蟬嘶。語言雖巧身事拙，捷徑恥蹈行非迷。我今俸祿飽餘臍，念子朝夕勤鹽齏。舟行每欲載米送，汴水六月乾無泥。乃知此事尙難必，何況仕路如天梯。朝廷樂善得賢衆，臺閣俊彥聯簪犀。朝陽鳴鳳爲時出，一枝豈惜容其棲。古來磊落材與知，窮達有命理莫齊。悠悠百年一瞬息，俯仰天地身醯雞。其間得失何足校，況與鳧鷖爭稗稊。憶在洛陽年各少，對花把酒傾玻璃。二十年間幾人在，在者憂患多乖睽。我今三載病不飲，眼眵不辨騶與驪。壯心銷盡憶閑處，生計易足纔蔬畦。優游琴酒逐漁釣，上下林壑相攀躋。及身彊健始爲樂，莫待衰病須扶攜。行當買田清潁上，與子相伴把鋤犁。西陵山水天下佳，我昔謫官君所嗟。官閑憔悴一病叟，縣古瀟灑如山家。雪消深林自斷筍，人響空山隨摘茶。有時攜酒探幽絕，往往上下窮煙霞。巖蓀綠縵軟可藉，野卉青紅春自華。風餘落蕊飛面旋，日暖山鳥鳴交加。貪追時俗翫歲月，不覺萬里留天涯。今來寂寞西岡口，秋盡不見東籬花。市亭插旗鬥新酒，十千得斗不可賒。材非世用自當去，一舸罄牙揮釣車。君能先往勿自滯，行矣春洲生荻芽。平沙漫飛雪，行旅斷浮橋。坐覺山陂阻，空嗟音信遙。窮陰變寒律，急節慘驚飆。野霽雲猶積，河長冰未銷。山陽人半在，洛社客無聊。寄問陶彭澤，籃輿誰見邀。</p>	6	3626
<再和聖俞>	<p>自古天下事，及時難必成。爲謀於未然，聰者或莫聽。患</p>	6	3626

見答>	至而後圖，智者有不能。未遠前日悔，可爲來者銘。熙熙彼西人，老死織與耕。狂狴一朝叛，烽火四面驚。用兵五六年，首惡竟逃刑。仰賴天子聖，乾坤量包并。苗頑不率德，舜羽舞于庭。謂此雖異類，有生亦含情。藩籬被觸突，譬若豨與。馴擾以芻豢，可呼隨指令。稱藩效臣職，冠帶復人形。四海得休息，瘡痍肉新生。敢問前孰失，恃安而弛兵。酒肴爲善將，循默乃名卿。慮患謂生事，高談笑難行。一方兵遽起，愚智共營營。上煩天子仁，吁食憂吾氓。謀議及臺阜，幽棲訪巖局。小利不足爲，涓流助滄溟。大功難速就，倉卒始改更。徒自益紛擾，何由集功名。乃知深遠畫，施設在安平。今也實其時，鑑前豈非明。嚴嚴經略府，樽俎集豪英。千營飽而嬉，萬馬牧在坳。相公黃閣老，與國爲長城。張子美而秀，文章博群經。從軍古云樂，知己士所榮。感激報恩義，當來請長纓。	
<感春雜言>	鳩鳴兮屋上，雀噪兮簷間。百鳥感春陽，有如動機關。雄雌相呼和，日夕聒聒不得閑。砌下兩株樹，枯條有誰攀。春風一夜來，花葉何班班。乃知天巧奪人力，能使枯木生紅顏。奈何人爲萬物靈，不及草木與飛翾。自從春來何所覺，但怪睡美不覺白日高南山。行逢百花不著眼，豈念四氣如回環，卻思年少憶前事，雖有駟駿難追還。奈何來日尙可樂，曾不勉彊相牽扳。淥酒如春波，黃金爲誰慳。人生一世中，一步百險艱。俟河之清不可得，聊自歌此譏愚頑。	6 3627-3628
<廬山高贈同年劉中允歸南康>	廬山高哉幾千仞兮，根盤幾百里，然屹立乎長江。長江西來走其下，是爲揚瀾左里兮，洪濤巨浪日夕相舂撞。雲消風止水鏡淨，泊舟登岸而遠望兮，上摩青蒼以掩靄，下壓后土之鴻厓。試往造乎其間兮，攀緣石磴窺空筵。千巖萬壑響松檜，懸崖巨石飛流淙。水聲聒聒亂人耳，六月飛雪灑石缸。仙翁釋子亦往往而逢兮，吾嘗惡其學幻而言嘯。但見丹霞翠壁遠近映樓閣，晨鍾暮鼓杳靄羅幡幢。幽花野草不知其名兮，風吹露濕香澗谷，時有白鶴飛來雙。幽尋遠去不可極，便欲絕世遺紛瘡。羨君買田築室老其下，插秧盈疇兮釀酒盈缸。欲令浮嵐暖翠千萬狀，坐臥常對乎軒窗。君懷磊砢有至寶，世俗不辨王民與珪。策名爲吏二十載，青衫白首困一邦。寵榮聲利不可以苟屈兮，自非青雲白石有深趣，其氣兀礪何由降。丈夫壯節似君少，嗟我欲說安得巨筆如長杠。	6 3628

<p><梅聖俞寄 銀杏></p>	<p>鵝毛贈千里，所重以其人。鴨腳雖百箇，得之誠可珍。問予得之誰，詩老遠且貧。霜野摘林實，京師寄時新。封包雖甚微，採掇皆躬親。物賤以人貴，人賢棄而淪。開緘重嗟惜，詩以報慇懃。</p>	6	3630
----------------------------	---	---	------

3 其他詩人（共 28 人）：詩人作品未有明確繫年者

詩人	詩名	內容
劉兼	<晚樓寓懷>	薄暮疏林宿鳥還，倚樓垂袂復憑欄。月沈江底珠輪淨，雲鎖峰頭玉葉寒。劉毅暫貧雖壯志，馮唐將老自低顏。無言獨對秋等立，擬把朝簪換釣竿。
劉兼	<登郡樓書懷三首>	煙雨樓臺漸晦冥，錦江澄碧浪花平。卞和未雪荆山恥，莊舄空傷越國情。天際寂寥無雁下，雲端依約有僧行。登高欲繼離騷詠，魂斷愁深寫不成。 邊郡荒涼悲且歌，故園迢遞隔煙波。琴聲背俗終如是，劍氣衝星又若何。朝客漸通書信少，釣舟頻引夢魂多。北山更有移文者，白首無塵歸去麼。 莫嗔阮氏哭途窮，萬代深沈恨亦同。瑞玉豈知將抵鵲，鉛刀何事卻屠龍。九夷欲適嗟吾道，五柳終歸效古風。獨倚郡樓無限意，滿江煙雨正冥濛。
劉兼	<春夕遣懷>	窮通分定莫淒涼，且放懽情入醉鄉。范蠡扁舟終去相，馮唐半世只爲郎。風飄玉笛梅初落，酒泛金樽月未央。休把虛名撓懷抱，九秋丘悲盡侯王。
劉兼	<秋夕書懷二首>	荒僻淹留歲已深，解龜無計恨難任。守方半會蠻夷語，賀廈全忘燕雀心。夜靜倚樓悲月笛，秋寒欹枕泣霜砧。宦情總逐愁腸斷，一著鱸魚直萬金。 直氣從來不入時，掩關慵更釣磻溪。斯文未喪宣尼歎，吾道將窮阮籍悲。輕粉覆牆凝夜砌，亂金鋪菊織秋籬。南陽臥久無人問，薄命非才有可疑。
劉兼	<對鏡>	青鏡重磨照白鬚，白鬚閑撚意何如。故園迢遞千山外，荒郡淹留四載餘。風送竹聲侵枕簟，月移花影過庭除。秋霜滿領難消釋，莫讀離騷失意書。
盧多遜	<南水村>	珠崖風景水南村，山下人家林下門。鸚鵡巢時椰結子，鷓鴣啼處竹生孫。漁鹽家給無虛市，禾黍年登有酒尊。遠客杖藜來往熟，卻疑身世在桃源。
田錫	<贈別琅邪評事兼寄兩制舊交>	醴泉少府王評事，秀氣神清好奇異。讀書擊劍善彈琴，仲容信是青雲器。我從蜀國來咸秦，長安久客多風塵。

		<p>因此移居清渭北，與君在彼初相識。相識經今二十年，支離契闊長相憶。去年罷直西掖垣，君亦醴泉方解官。關中路遙宛丘道，不遠千里來相看。我忝淮陽知郡事，郡齋喜聞嘉客至。槐花黃時初到來，菊花開時言欲迴。主人苦留留不住，爲君采菊登高臺。高臺臨古道，北走還京秋已老。白日遠長安，西歸出關天已寒。神仙作尉道雖在，骨肉爲累心且寬。與君俱年五十一，老去時光轉堪惜。況今秋暮冬欲殘，七十唯餘十八年。未知十八年之間，悲歡得喪與險艱。到得七十即爲幸，此外浮生何足言。明日正逢重九日，未忍與君張祖席。樽前新菊含露滋，茱萸丹實星離離。茱萸擷芳菊延壽，壽酒滿滿莫固辭。淮陽郡吏若早替，帝鄉即有相見期。兩制交朋若相問，爲我勤勤多謝之。</p>
田錫	<酬宋湜賈黃中二學士菊花之什兼呈諸廳學士>	<p>靖節先生曾賞菊，東籬有霜花正開。翰林主人共賞菊，北門吟詠有餘才。一唱再和才力健，兼金酬以瑛瓊瑰。善歌使人繼其志，遠寄淮陽知郡吏。淮陽郡中方燕居，跪讀重緘尺素書。中有五章章八句，復有三章同一處。五章千葉菊花詞，一章副翰學士詩。一章酬和季左司，人前再讀與三復。人從日邊初到時，斂手先問諸學士。駭目戶闌文字奇，兩制別來今已久。朝寄宛丘權太守。眼底唯嫌簿領繁，耳冷不聞騷雅言。重陽錫宴不得與，湛露空思奉至尊。忽捧新詩若爲意，聞詩勝得千金賜。受知益感恩顧深，吟賞請言清麗致。清如玉樹生天風，麗若露花開錦宮。水精盤中置明月，絳火珊瑚枝葉紅。珍則難酬青玉案，文律詞鋒併化工。因事喻懷堪自惜，神化丹青與刀尺。丹青暈淡刀尺裁，先春雪中生早梅。春饒桃李及時發，牡丹占斷芳菲來。芍藥羞人嬌且妒，玫瑰倚欄笑欲語。帝里春從何處歸，巫山雨散朝雲飛。遺紅墮翠歸天下，不失年年三月期。天生日卉各有時，彼何太盛此何遲。兼葭蒼蒼凝白露，西風蕭蕭向秋暮。月華籬落有霜華，映籬叢薄生黃花。花寒葉冷無蜂蝶，固無寶馬與香車。每因九月當重九，暫時采擷浮樽酒。金鈿浮動萬歲盃，爲君慶祝南山壽。菊不能言爲作歌，金壺酒傾生綠波。重臺千葉若堪賞，栽培好近金鑾坡。</p>
田錫	<進瑞雪歌>	<p>聖德昭彰動天地，歲歲豐穰爲上瑞。明年有閏節氣遲，冬深有雪方及時。三農但喜及時雪，天心帝力豈得知。臣忝頒條居近輔，勸課農桑理輿賦。宛丘之下爲封部，</p>

		<p>宣布皇恩愧襦。王澤流而有頌聲，因而拜手獻歌行。歌云歲云暮兮日云暮，白雲初向斜陽度。斜陽韜掩雲舒布，慘慘陰風生北戶。風來帶得霏霏花，花輕片片如瓊葩。凍黏寒綴紛交加，陌上逡巡鋪玉沙。琪樹瑤臺相間出，落梅角絮初堆積。映箔橫沾翡翠紋，拂窗斜度瑤璃隙。飄飄千里度龍山，袤丈蕭關與玉關。海上銀臺對金闕，水精簾櫳鑒明月。萬年枝上夜輝光，上林先似梨花發。黎元有望既滿望，手足舞之而蹈之。因思去歲在京師，國家將議改元時。時雪未呈盈尺瑞，百神奔走應禱祈。海風吹起澄江練，織女金刀碎裁剪。剪作天花撒翠微，茫茫六合生光輝。明月宮中玉白杵，霜兔擣葶雲母飛。風篩戶似琅玕寶，翔鸞飛下啄瑤墀。金門州廡龍尾道，賀雪千官趁朝早。吾皇為喜表豐年，六出飛花不令掃。樞相侍臣初奉宣，宣赴中書賜御筵。光祿移廚供玉饌，上樽賜酒中官勸。宣令不醉不得歸，席上仍令各賦詩。詩成封進同奏謝，御制歌行競傳寫。拜舞歡呼感聖明，千年遭遇作門生。微臣忝幸在兩制，得以歌詩樂太平。而今出典淮陽郡，組綬輝華佩金印。才微任重副憂勤，履薄臨深守廉慎。聖人德澤如陽春，陽春及物無不均。微臣懷抱如葵藿，葵藿向陽堪喻身。今因瑞雪獻歌詠，西垣再願續絲綸。</p>
田錫	<留別句中正學士>	<p>玉人欲歸留不住，南山出雲作朝雨。雨中卻柅使車輪，主人重得延嘉賓。嘉賓有詩留別我，句句高奇字字新。新若新花凝宿露，高似秋天曉星布。奇於雲起成峰巒，鮫人淚珠盈玉盤。浪大月照如金線，金線交加珠可貫。玦離環合間珠圓，風生玉步聲珊珊。珍奇若此為重賜，齋沐焚香然後看。三復吟看既忘倦，命筆和來才思緩。桃李難酬瓊玖珍，野老美芹聊贄獻。與君俱是錦江人，今幸星軺來過陳。鄉情交分忍輕別，少留可待早秋辰。秋光月華伴行色，步步隨君歸紫宸。</p>
田錫	<代書呈蘇易簡學士希寵和見寄以便題之于郡齋也>	<p>金殿嘗聞金口言，詞臣官職是神仙。三年偶忝西垣職，致身似得文章力。感激思酬聖主恩，危言所以難緘默。出入金門與玉堂，屢因狂直拜封章。禦戎救旱無上策，言詞不足動君王。改官出職歸郎署，粉闥正秩慚叨據。仍命淮陽頒詔條，元正不得與趨朝。中書舍人捧寶策，加美徽稱尊帝堯。大明殿裏上壽酒，翰林學士先群寮。獨有淮陽知郡吏，為典郡付蒙借紫。閣門引謝正衙辭，</p>

		<p>撰日匆匆辦行李。都門柳色早春天，繁臺寺中排祖筵。離盃滿勸不惜醉，醉別上馬魂黯然。客心易感須如是，迴思故國三千里。子雲相如俱蜀人，我今五十君青春。春秋鼎盛正清貴，我年漸似下坡輪。下車猶未踰期月，官舍初經禁煙節。殘陽乍聽吹角聲，臺榭梨花簇香雪。猶酌不歡何所爲，孤懷無緒懷已知。十八學士相念否，應笑骨凡格且卑。地仙敢言謫仙宦，海槎卻有上天時。陳州去京地不遠，莫惜音書來慰勉。若得工夫可作歌，歌中言語不厭多。畢三情旨頗似我，向二宋四及李大。請與副閣王舍人，呈似此歌希唱和。（四庫本注：畢相士安、向相敏中、宋給事湜、李相沆、副閣王禹偁）</p>
田錫	<送韓援赴闕>	<p>逢君南浦落花時，送君南浦草離離。離魂自與白雲斷，兩槳去時乘夕暉。昔時漢家稱八使，登車便有澄清意。吾皇宵旰念黎民，歌詠皇華遣使臣。昭文館殿選學士，巡撫使名名號新。二人分得淮南道，人自日邊來既早。敷宣朝句達君恩，淮陽父老私有言。言逢太平歌且舞，利病達聰皆悉聞。我昔南宮與西掖，後來謫宦爲遷客。慶澤量移住單州，長淮塗次泊孤舟。昌黎工部未相識，一見怡然如舊遊。詩酒論交各相許，何如李白杜工部。海上往來將月餘，煙波寄詩兼寄書。書裏情深若江漢，詩中意重若瓊琚。今說歸京忍輕別，別夜波光蕩明月。若到朝廷話鄙夫，爲說子牟心戀闕。闕下交游憶者誰，翰林蘇畢韓損之。憑君與達相思意，夢向金鑾北扉。</p>
田錫	<思歸引>	<p>河朔受詔書，移官向沽外。初問禁法茶，次問丁身稅。稅口徵四百，茶利高十倍。老死及充軍，縣籍方消退。采摘不入官，公家定科罪。何以升平時，遺民猶未泰。何以在位者，興利不除害。我願罷秩歸，天顏請轉對。一言如沃心，恩波必霑霈。</p>
田錫	<歸去來>	<p>歸去來，詩不云乎，王事一埤遺我兮。終日孜孜，心力疲勞齒髮衰。爾今已年五十二，前去七十幾多時。爾性雖拙頗好學，爾才雖短頗好詩。文學歌詩之外非樂爲。金門玉堂若無分，隨分官職胡不歸。苟能遺得婚嫁累，又何苦憂伏臘資。爾不聞仲尼曰：飯疏食飲水，曲肱而枕之，樂亦在其中，浮雲浮雲非爾宜。表聖表聖，爾當念茲而在茲，勿使無其實而有其詞。爾若捨靈龜而觀朵頤，無乃見爾癡爾癡。</p>
呂	<尹洛日作>	<p>昔作儒生謁貢闈，今提相印出黃扉。九重鵷鷺醉中別，</p>

附錄 2 北宋前期貶謫詩

蒙 正		萬里煙霄達了歸。鄰泉盡垂新鶴髮，故人猶著舊麻衣。 洛陽謾道多才子，自嘆遭逢似我稀。
晁 迥	<遊虎丘詩> 并序	余罷掌賦東陽，歸次蘇臺。時故人王士龍飲餞乎閶門，且曰：「虎丘山寺，吳中勝概，不避數里，可能遊乎？」余沛然愜心，請與偕往。由枝派乘水輿，長嘯清風，目窮幽趣，棹工叢力，葉舟如飛。拂白莫以半開，縈紅樹以傍出。筵詣幽境，復無纖塵。相與披煙蘿，凌磴道，杳疑天外，作為佛宮。俯臨乞池，呀若斷岸，磊列嶮峯，不能形容。肆凝覽以更周，惜頽景之西匿。一觴一詠，柅輿而還遂裁八章以表嘉會。時淳化四載，自序。 餞別閶門復少留，故人邀我浣離愁。旋沽美醞乘漁艇，急棹斜陽到虎丘。千古劍池呀怪石，一方金地抱清流。歸時眷戀情無限，不得從容秉燭遊。
潘 閔	<赴滁州散參軍途中書事>	微軀不殺謝天恩，容養疏慵世未聞。昔日已為閒助教，今朝又作散參軍。高吟瘦馬衝殘雪，遠看孤消入斷雲。到任也應無別事，願將清俸買香焚。
潘 閔	<離滁陽>	長亭黃葉正紛紛，一曲驪歌酒十分。須信滁陽人有意，滿城來送散參軍。
鄭 文 寶	<寒食訪僧>	客舍愁經百五春，雨餘溪寺綠無塵。金花開處鞦韆鼓，粉頰誰家鬥草人。水上碧桃流片段，梁間新燕語逡巡。高僧不飲客攜酒，來勸先朝放逐臣。
鄭 文 寶	<郢城新亭>	每到新亭即厭歸，野香經雨長松圍。四簷山色消繁暑，一局棋聲下翠微。冰片角巾簪潤月，錦文拳石砌苔磯。近來學得籠中鵲，迴避流鶯笑不飛。
鄭 文 寶	<過信陽軍白雪驛>	得罪先朝出粉闈，五原功業有誰知。年餘放逐無人識，白雪關頭一望時。
鄭 文 寶	<送枝江秦長官罷秩>	眾論才名外，親人似古人。官嫌容易達，家愛等閑貧。解印詩權在，移風澤國春。政聲交不得，慚見數鄉民。
寇 準	<晚望有感>	出門望寒野，四顧惟椒坡。憶昔楚大夫，還此情如何。殘陽半明雨，水落西風多。因同下蔡恨，不覺增悲歌。
寇 準	<秦中感懷寄江外知己>	念子隔江海，浩然時已秋。蟬鳴關外樹，人在水邊樓。髮白猶搜句，時清尚旅遊。遙思當永夜，不寐向孤舟。
寇 準	<有懷>	秦川春婉晚，漢水路迢遙。不待憑危檻，離魂已暗銷。
寇 準	<予頃從…>	堤草惹煙連野綠，岸花經雨壓枝紅。年來多病辜春醉，惆悵河橋酒 風。
寇	<初到長安書懷>	荐承丹詔撫彫殘，適值年豐萬井安。舊職尚兼黃閣貴，

準		前驅新擁碧油寒。靜憐風竹經宵聽，老愛山雲盡日看。 魂夢不知關塞外，有時猶得到金鑾。
寇準	<憶洛陽>	金谷春來柳自黃，曉煙晴日映宮牆。不堪花下聽歌處， 卻向長安憶洛陽。 <small>自注：古歌云：「金谷園中柳，春來似舞腰。那堪風景好，獨上洛陽橋。」</small>
寇準	<南陽夏日>	綠楊陰密覆回廊，深院簾垂晝景長。人靜獨聞幽鳥語， 風來時有異花香。世間寵辱皆嘗遍，身外聲名豈足量。 閑讀南華真味理，片心惟只許蒙莊。
寇準	<春陵聞雁>	蕭蕭疏葉下長亭，雲淡秋空一雁經。惟有北人偏悵望， 孤城獨上倚樓聽。危欄秋盡偶來憑，霜落秋山爽氣澄。 誰道衡陽無雁過，數聲殘日下春陵。 <small>自注：衡州有回雁峰，云雁止于衡陽不得過。</small>
寇準	<臨海驛夏日>	嶺外突蒸當盛暑，雨餘新館覺微涼。最憐夏木青陰合， 時有鶯聲似故鄉。
寇準	<海康西館有懷>	風露淒清西館靜，悄然懷舊一長歎。海雲銷盡金波冷， 半夜無人獨憑欄。
寇準	<冬日偶成>	正是旅愁悲遠宦，況逢邊塞向殘年。輪蹄影絕冬深路， 鳥雀聲稀雪後天。探騎經旬無使客，戍樓終日有烽煙。 病來無復拈罈酒，獨向虛窗盡日眠。
寇準	<過襄州留題驛亭>	沙堤築處逝丞相，驛吏催時送逐臣。到了輸他林下客， 無榮無辱自由身。
錢惟演	<謫居漢東撰曲>	城上風光鶯語亂，城下煙波春拍岸。綠楊芳草幾時休， 淚眼愁腸先已斷。情懷漸變成衰晚，鶯鑑朱顏驚暗換。 昔年多病厭芳樽，今日芳樽惟恐淺。
陳堯佐	<寄題漳浦縣齋>	漳浦從來瘴癘深，潮陽南去更難標。當時三載曾無事， 不放閑愁入寸心。
陳堯佐	<題漳浦縣壁>	蠻煙漁火接鯨波，樹樹花枝處處歌。況是天涯好行樂， 莫教憔悴鬢霜多。
陳堯佐	<赴潮陽倅>	沈醉猶難別帝州，滿城春色重淹留。公閑預想消魂處， 望闕頻登海上樓。休把空言較短長，算來齊物也無妨。 蠻民解唱昇平曲，願領閑愁入醉愁。
陳堯佐	<潮陽作>	景淡花初落，寒生海上潮。門前歸鷓路，微雨柳垂條。 靜院鶯啼竹，幽闌蝶在花。登臨轉惆悵，斜日兩三家。
陳	<遊惠陽西湖> <small>原作遊西湖，據</small>	附郭水連山，公餘獨往還。疏煙魚艇遠，斜日寺樓閑。

附錄 2 北宋前期貶謫詩

堯佐	清雍正《廣東通志改》	繫馬芭蕉外，移舟菡萏間。天涯逢此景，誰信自開顏。
陳堯佐	<歸闕感懷>	望闕二年餘，中宵夢玉除。忽聞天上詔，乍厭海邊居。歸路尋芳草，空囊載舊書。君恩何以報，零淚落塵裾。
陳堯佐	<鄭州浮波亭> 并序	建宇出於波心，開軒屹爾空際；淪漣蕩漾，勢若浮焉，因題曰浮波亭。七言短詩一章，謹其始云。 碧玉波光四面寒，虛空簷宇出林端。塵埃未到交游絕，遶座扁舟與釣竿。
陳堯佐	<潮州召還>	君恩來萬里，客路出千山。
梅詢	<武林山十詠> 并序	杭州靈隱山，天下之泉石。刺史白樂天，賞之心不斲。沒去數百年，林泉有差色。我持百里權，暇日訪林泉。愛之不忍去，茹筆屢成篇。收攬造化工，盡驅詩思中。十題四百字，他山類磨砢。且欲紀遺詠，非矜文翰勁。他年遂招隱，來此觀奇蹤。 <飛來峰> 竺慧指此峰，飛來自靈鷲。猿鳥曾未知，煙嵐尚依舊。興亡謾千古，天地豈關紐。祇恐舟壑移，他年卻西走。 <蓮花峰> 巨石如芙蕖，天然匪雕飾。盤礴峰頂邊，嬋娟秋江側。涉川試誰探，作礪當自惜。坐與榮落同，正心未嘗易。 <呼猿洞> 古澗飛白猿，寂歷不知處。風激石上泉，僧疑月中樹。微茫認松雪，髣髴橫樵路。寫望增爾思，蒼蒼奈煙霧。 <龍泓洞> 矯矯淵下龍，潛神在靈府。雲臥雖有時，泥沙可長處。陰崖寒氣腥，峭壁煙痕古。 <煉丹井> 仙翁道未成，棲神在巖石。酌彼山下泉，窮年煉金液。洞陰春始綠，苔甃秋涵碧。細慕不可期，憑欄望亮。 <冷泉亭> 古竇鳴幽泉，蒼崖結虛宇。六月期客遊，披襟苦徂暑。開窗弄清淺，吹鬢疑風雨。不見白使君，煙蘿

		<p>爲誰語。</p> <p><靈隱寺> 千峰凌紫煙，中有梵宮闕。靈眇極幽棲，塵心自超越。松皇發春靄，桂實墜秋月。爭得謝世人，茲焉老華髮。</p> <p><水臺盤> 鶴髮山中人，疏泉鑿幽石。如憑青玉案，分遞白雲液。泠泠濺雕俎，瑟瑟穿吟席。醉坐三伏中，煩襟自消釋。</p> <p><翻經臺> 靈運曾此臺，冥心住幽寂。重繹葉上書，深藏林中跡。遺文傳竹素，野蔓侵苔壁。登覽殊未休，蒼山日將夕。</p> <p><高峰塔> 高塔列遠岑，亭亭幾百載。鈴聲答夜風，輪影落滄海。閑雲伴危級，曙日平煙彩。欲下生暮愁，千山閉輕靄。</p> <p><疊嶂樓> 謝公城上謝公樓，百尺闌干挂斗牛。碧瓦萬家煙樹密，蒼崖一檻瀑泉流。波光灩灩前溪滿，刹影亭亭古寺幽。此地近除新太守，綠窗明月爲君留。</p>
梅詢	<濠州四望亭閒眺>	南北舟行互擲梭，長淮混混接天河。石梁景絕虹垂渚，桐柏春深雪作波。四望空明無俗翳，數聲 乃有漁歌。誰言此地殊幽僻，自我今來風味多。
梅詢	<吳興道中>	野闊多桑柘，湖平溉沃田。採蓮花樣女，載酒葉兒船。黃犢青山下，垂楊古道邊，行行頻北望，戀闕意懸懸。
曹修古	<題清心堂> 在興化軍治，詩刻於壁。	天府鞠囚三節日，霜臺侍漏五更時。薰風一覺清涼睡，莫問浮名高與卑。
穆脩	<秋浦會遇> 并序	大中祥符五年，爲海陵郡司理參軍。居職以不能俯仰自全，不幸爲奸人所伺，誣搆以事，因被罪南謫爲池州參軍。貶斥中且聞所天之艱，朝廷以罪犯不許奔哀，窮冤悲苦，生人所希。寄一室于浮屠宮，闔戶竟日，外絕還往。留歲餘遇赦聽以所簡，聞將示內。俱待命者有前泗州錄事參軍清河甌受譴來是州，前赦一月王，與甌汭比接，既相吊語，且悲且歡。張君簡柅有文，短人情是游處以日，兩盡款慰，若忘窮否之爲爾。予自至以艱憂中，目不復視文字，矧爲聲偶之辭乎。逮此竊有北歸望，且怠張相遇憂忠問，因思珎言無以道，聊用捨之爲長詩一千二百言，匪以言詩也，懲憤悒之辭也。池州古秋浦地，命爲秋浦會遇詩云。

附錄 2 北宋前期貶謫詩

		齷齷幽遐地，栖栖會遇人。窮愁艱理勝，羈旅易情。 豈意當漂謫，茲諧卜並鄰。溫溫窺表粹，按按奉嬉嘖。 直道談端闕，橫流語下堙。綺文何斐亶，瑰行亦璘玢。 敦分初投漆，交言戶飲醇。操心忠義合，問口肺肝陳。 共味隨時理，俱成迷患因。禍來非造次，語及自酸辛。 ……
夏竦	<青州>	日上西山舞鸞鶴，波翻碧海鬥蛟龍。直釣到了成何事， 消得君王四履封。原注：此詩見《東軒筆錄》，以為王沂公會當國，鄭 公為翰林學欲撼之而作。原本缺，今采入。
夏竦	<狎鷗亭詩>	元化平分荷大鈞，左符新刻玉為麟。南湖特地栽桃李， 擬伴沙鷗過十春。海鴈橋邊綠水深，絕無塵土近花陰。 忘機不管人知否，自有溪鷗信此心。
夏竦	<偶成>	非才偏歷清華地，悟佛方為止足身。浮名浮利莫相試， 三千世界一微塵。保庇孤根逢聖主，矜修晚節順天機。 空門自有清涼地，不向紅塵議是非。燕雀紛紛出亂麻， 漢江西畔使君家。空堂自恨無金彈，任爾啾呼到日斜。
范仲淹	<酬葉道卿學士見寄>	世傳學中祿，小子迺逢辰。一入諫諍司，鴻毛忽其身。 可負萬乘主，甘為三黜人。豈量堯舜心，如日照孤臣。 薄責落善地，雅尚過朝倫。僅同龜在泥，敢冀蠖求伸。 朱樓逼清江，下睨百丈鱗。羨此南魚樂，不忍持釣輪。 為郡良優優，乏才止循循。恬愉弗擾外，何以忍遠民。 拙可存吾樸，靜可逸吾神。漸得疏懶味，下車將四旬。 嘉興風雅來，觀對如天賓。感茲韶夏音，佐我臺上春。
范仲淹	<和章岷從事鬥茶歌>	年年春自東南來，建溪先暖冰微開。溪邊奇茗冠天下， 武夷仙人從古栽。新雷昨夜發何處，家家嬉笑穿雲去。 露牙錯落一番榮，綴玉含珠散嘉樹。終朝採掇未盈擔， 唯求精粹不敢貪。研膏焙乳有雅製，方中圭兮圓中蟾。 北苑將期獻天子，林下雄豪先鬥美。鼎磨雲外首山銅， 瓶攜江上中冷水。黃金碾畔綠塵飛，紫玉甌心雪濤起。 鬥余味兮輕醜醜，鬥余香兮薄蘭芷。其間品第胡能欺， 十目視而十手指。勝若登仙不可攀，輸同降將無窮恥。 于嗟天產石上英，論功不愧階前莫。眾人之濁我可清， 千日之醉我可醒。屈原試與招魂魄，劉伶卻得聞雷霆。 盧仝敢不歌，陸羽須作經。森然萌象中焉知無茶星。 商山丈人休茹芝，首陽先生休采薇。長安酒價減千萬， 成都藥市無光輝。不如仙山一啜好，冷然便欲乘風飛。 君莫羨花間女郎只鬥草，贏得珠璣滿斗歸。

范仲淹	〈和葛閱寺江接花歌〉	<p>江城有卒老且貧，憔悴抱關良苦辛。眾中忽聞語聲好，知是北來京洛人。我試問云何至是，欲語泫瀾墮雙淚。斯須收淚始能言，生自東都富貴地。家有城南錦繡園，少年止以花爲事。黃金用盡無他能，卻作瓊林苑中吏。年年中使先春來，曉宣口敕修花臺。奇芬異卉百餘品，求新換舊爭栽培。猶恐君王厭顏色，群芳只似尋常開。幸有神仙接花術，更向都城求絕匹。梁王苑裏索妍姿，石氏園中搜淑質。金刀玉尺裁量妙，香膏膩壤彌縫密。迴得東皇造化工，五色敷華異平日。一朝寵愛歸牡丹，千花相笑妖饒難。竊藥嫦娥新換骨，嬋娟不似人間看。太平天子春遊好，金明柳色寵黃道。道南樓殿五雲高，鈞天捧上蓬萊島。四邊桃李不勝春，何況花王對玉宸。國色精明動韶景，天香旖旎飄芳塵。特奏霓裳羽衣曲，千官獻壽羅星辰。兌悅臨軒逾數刻，花吏此時方得色。白銀紅錦滿牙床，拜賜仗前生羽翼。惟觀風景不憂身，一心歲歲供春職。中途得罪情多故，刻木在前何敢訴。竄來江外知幾年，骨肉無音雁空度。北人情況異南人，蕭灑溪山苦無趣。子規啼處血爲花，黃梅熟時雨如霧。多愁多恨信傷人，今年不及去年身。目昏耳重精力滅，復有鄉心難具陳。我聞此語聊悒悒，近曾侍從班中立。朝違日下幕天涯，不學爾曹向隅泣。人生榮辱如浮雲，悠悠天地胡能執。賈誼文才動漢家，當時不免來長沙。幽求功業開元盛，亦作流人過梅嶺。我無一事逮古人，謫官卻得神仙境。自可優優樂名教，曾不恹恹吊形影。接花之技爾則奇，江鄉卑濕何能施。吾皇又詔還淳朴，組繡文章皆棄遺。上林將議賜名畋，似昔繁華徒爾爲。西都尙有名園處，我欲抽身希白傅。一日天恩放爾歸，相逐栽花洛陽去。</p>
范仲淹	〈鄱陽酬泉州曹使君見寄〉	<p>吾生豈不幸，所稟多剛腸。身甘一枝巢，心苦千仞翔。志意苟天命，富貴非我望。立譚萬乘前，肝竭喉無漿。意君成大舜，千古聞羶香。寸懷如春風，思與天下芳。片玉棄且在，雙足何辭傷。王章死於漢，韓愈逐諸唐。獄中與嶺外，妻子不得將。義士撫卷起，腥血一霑裳。胡弗學揭厲，胡弗隨低昂。干時宴安人，滅然已不揚。匹夫虎敢鬥，女子熊能當。況彼二長者，烏肯巧如箕。我愛古人節，皎皎明於霜。今日貶江徼，多慚韓與王。罪大禍不稱，所損傷纖芒。盡室來官下，君恩大難忘。</p>

		酒聖無隱量，詩豪有餘章。秋來魏公亭，金菊何煌煌。登高發秘思，聊以攄吾狂。卓有梅聖俞，作邑郡之旁。矯首賦靈鳥，擬彼歌滄浪。因成答客戲，移以贈名郎。泉南曹使君，詩源萬里長。復我百餘言，疑登孔子堂。聞之金石音，純純自宮商。念此孤鳴鶴，聲應來遠方。相期養心氣，彌天浩無疆。鋪之被萬物，照之諧三光。此道果迂闊，陶陶吾醉鄉。
范仲淹	<雜詠四首>	梓人一笑白雲鄉，杞桂森森遇豫章。聞道周公繩墨在，天庭誰此遇明堂。 有客藍田得意歸，溪光冉冉白虹蜺。玉人豈忍言環珮，留取天王尺二圭。 鏗鏗千古嶧山桐，金石聲來造化中。誰道元和無復致，爲君堂上起薰風。 嶺上英英向日開，帝鄉情態自徘徊。如何一施陽春雨，依舊無心歸去來。
范仲淹	<西溪書事>	卑棲曾未託椅梧，敢議雄心萬里途。蒙泉自當齊黑白，子牟何必怨江湖。秋天響亮頻聞鶴，夜海瞳矐每見珠。一醉一吟疏懶甚，溪人能信解嘲無。
范仲淹	<試筆>	偶緣疏拙得天真，豈問前途屈與伸。車馬縱能欺倦客，江山猶可助騷人。懶如叔夜書盈几，狂似淵明酒滿巾。況有南窗姬易在，此心那更起纖塵。
范仲淹	<依韻酬毋湜推官>	聖門非入室，文陣敢爭盟。不意棲雲閣，何才隸月卿。珍群憐未至，霄鶚引修程。直舍有仙味，祕庭無俗聲。午陰宮樹綠，宵刻禁鍾清。奉制歌三秀，稱觴聽六英。恩輝孤易感，交結淡難成。新髮鑑中改，舊山天際橫。纓思漁父濯，春伴隼旗行。桃浪觀秦塞，薰風省舜城。幾多興廢跡，重疊古今情。進退思先覺，蹉跎畏後生。見詒如美袞，欲報乏英瓊。淨楫澄江練，高窺擢露莖。復驚聞正始，終仰輔登閔。好勵圖南志，翱翔覽四瀛。
范仲淹	<送石曼卿>	河光嶽色過秦關，英氣飄飄酒滿顏。賈誼書成動西漢，謝安人笑起東山。亨途去覺雲天近，舊隱回思水石閑。此道聖朝如不墜，疏封宜在立譚間。
范仲淹	<謫守睦州作>	重父必重母，正邦先正家。一心回主意，十口向天涯。銅虎恩猶厚，鱸魚味復佳。聖明何以報，歿齒願無邪。
范	<赴桐廬郡淮上遇風三首>	聖宋非強楚，清淮異汨羅。平生仗忠信，盡室任風波。

仲淹	>	舟楫顛危甚，蛟龍出沒多。斜陽幸無事，沽酒聽漁歌。妻子休相咎，勞生險自多。商人豈有罪，同我在風波。一棹危於葉，傍觀亦損神。他時在平地，無忽險中人。
范仲淹	<出守桐廬道中十絕>	隴上帶經人，金門齒諫臣。雷霆日有犯，始可報君親。君恩泰山重，爾命鴻毛輕。一意懼千古，敢懷妻子榮。妻子屢牽衣，出門投禍機。寧知白日照，猶得虎符歸。分符江外去，人笑似騷人。不道鱸魚美，還堪養病身。有病甘長廢，無機苦空言。江山藏拙好，何敢望天閭。天閭變化地，所好必真龍。軻意正迂闊，悠然輕萬鍾。萬鍾誰不慕，意氣滿堂金。必若枉此道，傷哉非素心。素心愛雲水，此日東南行。笑解塵纓處，滄浪無限清。滄浪清可愛，白鳥鑑中飛。不信有京洛，風塵化客衣。風塵日已遠，郡枕子陵溪。始見神龜樂，優優尾在泥。
范仲淹	<蕭灑桐廬郡十絕>	蕭灑桐廬郡，烏龍山靄中。使君無一事，心共白雲空。 蕭灑桐廬郡，開軒即解顏。勞生一何幸，日日面青山。 蕭灑桐廬郡，全家長道情。不開歌舞事，遶舍石泉聲。 <small>自注：烏龍山泉實過公署。</small> 蕭灑桐廬郡，公餘午睡濃。人生安樂處，誰復問千鍾。 蕭灑桐廬郡，家家隱竹泉。令人思杜牧，無處不潺湲。 蕭灑桐廬郡，春山半是茶。新雷還好事，驚起雨前芽。 蕭灑桐廬郡，千家起畫樓。相呼採蓮去，笑上木蘭舟。 蕭灑桐廬郡，清潭百丈餘。釣翁應有道，所得是嘉魚。 <small>自注：此郡魚少而嘉。</small> 蕭灑桐廬郡，身閑性亦靈。降真香一炷，欲老悟黃庭。 蕭灑桐廬郡，嚴陵舊釣臺。江山如不勝，光武肯教來。
范仲淹	<新定感興五首>	數仞黃堂上，題名僅百賢。孤高未開府，千載可拳拳。山水真名郡，恩多補諫官。中間好田錫，風月亦盤桓。風物皆堪喜，民靈獨可哀。稀逢賢太守，多是謫官來。去國三千里，風波豈不賒。迴思洞庭險，無限勝長沙。江上多嘉客，清歌進白醪。靈均良可笑，終日著離騷。
范仲淹	<桐廬郡齋書事>	千峰秀處白雲驕，吏隱雲邊豈待招。數仞堂高誰富貴，一枝巢隱自逍遙。杯中好物閑宜進，林下幽人靜可邀。莫道官清無歲計，滿山芝朮長靈苗。
范仲淹	<留題方干處士舊居>	某景祐初典桐廬，郡有七里瀨，子陵之釣臺在。而乃以從事章岷住構堂而祠之，召會稽僧悅躬圖其像於堂。洎移守姑蘇，道出其下，登臨徘徊。見東嶽絕碧，白雲徐生，云方干處士之舊隱，逐訪焉。其家子孫尚

附錄 2 北宋前期貶謫詩

		多儒服，有楷者新策名而歸。因留二十八言，又圖處士像於嚴堂之東壁。楷請刊詩於其左。按：詩序原在范文正公別集卷一，今移置詩前。風雅先生舊隱存，子陵臺下白雲村。唐朝三百年冠蓋，誰聚詩書到遠孫。自注：時裔孫楷方登進士科。
范仲淹	<依韻酬黃灝秀才>	再貶鄱州信不才，子規相愛勸歸來。客心但感江山助，天意難期日月迴。白雪孤琴彌冷淡，浮雲雙闕自崔嵬。南方歲晏猶能樂，醉盡黃花見早梅。
范仲淹	<釣臺詩>	漢包六合嬰英豪，一箇冥鴻惜羽毛。世祖功臣三十六，雲臺爭似釣臺高。
范仲淹	<桐廬方正父家藏唐翰林畫白芍藥……>	治亂興衰甚可嗟，徒憐水調訴榮華。開元盛事今何在，尙有霓裳寄此花。
宋庠	<郡齋感懷寄呈參政給事同年>	老持藩印守河衝，苟祿惟知戀軾熊。游舊最叨青眼客，埏陶今仰黑頭公。巢由逸躅心空斷，儒墨常談耳欲聾。自笑晚年經濟業，焚香靜坐習元功。
宋庠	<自洛移許初至郡齋作>	忝司宮鑰忽三年，恩借閒州得潁川。楚北蒼茫軒后野，國南膏沃許人田。漢臺透鳳今難繼，荀里占星俗尙傳。更賴鴨陂能慰我，鈴齋西畔似江天。
宋庠	<郡齋無訟春物寂然書所見>	閣鈴無響晝輝遲，短髮山巾盡日欹。戢蟻群行開蟄後，暝禽相語欲棲時。遙通竇水添新溜，密數庭花記落枝。訟息寬條恩莫報，晚年餘有白雲期。
宋庠	<淮南自訟>	偶然人乏貳中樞，賜罷猶專督府居。髮白自傷聞道晚，心丹誰識報恩餘。淮天目極風帆駛，韓野魂銷宰樹疏。卻顧病身何所用，只堪歸釣潁灘魚。
宋庠	<孤坐北齋因懷出處之難偶成感詠>	白頭榮路念合之，出處空驚未得宜。劉放老于宮裏樹，莊生愁煞廟中犧。嵩巖桂塢堪休影，潁曲芝廬好療饑。但願天心從再欲，敢言歸赴赤松期。
宋庠	<赴鄭出國門經西苑池上>	十圍鉛中抱帝畿，苑煙宮霧共霏微。長楊獵近寒熊吼，太液砍餘瑞鵠飛。碧護斗城天倚蓋，光銜蓬島日舒圍。樓船法從年年盡，借問孤臣何歲歸。
宋庠	<孟津晚景>	二月春風引弘陰，鞏煙邙樹悵登臨。醯雞甕外天方闊，偃鼠河濱水正深。萬疊紺螺山北聳，半邊紅壁日西沈。憑高薄暮人誰見，一寸如丹魏闕心。
宋庠	<永陽登樓懷闕下知己>	西北樓邊路欲分，神 不見見浮雲。晉郵尺牘波中斷，洛客歸心笛裏聞。麗賦有情傷桂魄，勞歌無節怨蘭薰。

		漢家續食催西上，忍逐江鷗狎舊群。
宋庠	<睡足> 河陽事簡，卯後方離枕	府廡寥寥似野廬，晏眠猶厭閣鈴呼。不知雲夢澤南日， 自注：杜牧為黃州日，有詩云平生睡足處，雲夢澤南州。得似富平津北無。
宋庠	<晚登信美亭>	磴道盤紆薄晚雲，天方疑見斗方春。自注：此亭正望京闕。清風萬里知何意，吹盡華縷漠漠塵。
宋庠	<重建峴山羊侯祠歌> 原注：此詩及諸公和作俱刻祠內石幢	襄陽南出大路奔，小山曰峴名特尊。山形卑壯魂極，屹若巨首臨江濱。大山半空不成霍，絕水闕左非其躋。
宋庠	<壽州十詠> 原注：十詠題熙熙閣、白蓮堂、清暉、式燕、秋香、狎鷗、暹、美陰望仙、清漣等八亭，今缺美陰亭一首。	<p><熙熙閣> 東譙已自高，復此構層宇。誰謂淮南遠，風摻美無度。飛岑納畫碧，流月遺宵素。揆予乏仙氣，樓居庶可愨。</p> <p><白蓮堂> 堂皇敞而華，簷牙照注水。鈿葉矗新團，玉葶粲繁蔦。游鱗竟潑潑，幽石仍齒齒。寄言採秋芳，何必涉江渚。</p> <p><春暉亭> 涉園息何處，道左蔭華榭。幽尋乏月租，勝晤徒自知。文禽弄不歇，惠風至無期。含情重徙倚，物色到霞霏。</p> <p><式燕亭> 使君班春還，于焉衍吾屬。四阿住翬棘，那以便涼燠。棟表飛雲逝，題端邀月宿。無德與斯人，式宴良自慝。</p> <p><秋香亭> 蘭菊被秋，危宇冠層巔。雜樹自隱日，脩條爭刺天。石斜苔附秀，樛窮蔓倒懸。擷英欲誰遺，佇立徒娟如。</p> <p><狎鷗亭></p>

		<p>昔人有機心，鷗鳥舞不下。太守心異昔，寒灰與時化。爾既不我猜，余亦無爾詐。隨波以全軀，于茲伴多暇。</p> <p><齊雲亭> 肇允締層宇，峇峇少城隍。憑軒肄師才，自注：予始創此，下臨都場，時于此閱雪。中坐合賓疊。白日披霞上，蒼山障霧回。眷言西忠道，吾師安在哉。</p> <p><望仙亭> 嘗聞淮南王，雞犬從此去。至今山頭石，馬跡尚有叔。使臣辭從官，終日絕塵慮。望望雲漢間，想見賓天馭。</p> <p><清漣亭> 煙篠環苗隄，飛軒促幽渚。水容靜可鑒，倒見城頭樹。青蒲羸爾秀，白鳥瞥然去。勝晤與時新，遂歌奚能敘。</p>
王洙	<和登山城望京邑>	<p>子牟懷魏闕，陳咸思帝城。他鄉豈不美，吾土樂所生。況復撫凋節，憑高懷上京。山川不可見，蔥鬱凝神縣。紫氣抱關迴，玉斗侵城轉。負羽長楊獵，撞鐘平樂宴。高冠照華蟬，英俊皆比肩。朝奏主父牘，夜召貢生賢。五侯交薦幣，諸公亟爲言。我生流離極，十年悲去國。葉願洛陽飛，魚寧武昌食。當棄關下符，一對危言策。</p>
宋祁	<古意>	<p>薄宦若秋葦，飄然去林枝。盲風不我愛，吹角清淮湄。淮南苦慘慄，九月繁霜飛。晚蕙相爲歎，崇蘭他此衰。凋落雖云苦，芬香終不移。但燭陽春動，要當三秀期。</p>
宋祁	<劉伯誠見惠僕所作中山雜詠石刻>	<p>惟茲楚客謠，可以傳下里。合時見椎擊，斷仆清江尾。</p>
宋祁	<反騷>	<p>我聞上天樂，仙聖並游賓。離楚何所據，招回逐客魂。 自注：楚辭：魂無上天。謂門有九關，虎豹代守閭。砥舌饑涎流，觸之輒害人。譏呵自有常，帝意寧不仁。窮壤苦恨隔，傳聞恐失真。我欲稽首問，無梯合青雲。塊然守下土，此憤何由伸。</p>
宋祁	<懷三封墅>	<p>寡求願易足，久計還中林。君恩容有報，宿留未抽簪。淺謀乏經濟，流景倏頽侵。企翰羨鴻翥，俯泳愧魚沈。榮名非不勉，高坻良可歎。奈何賈生慟，又將莊吟。</p>

		投沙乃聞古，懷春方在今。三封何所懷，懷我東南畝。方春原田秀，是時簞笠聚。杏花燦晴落，菖葉甲陰浦。泱泱雲抱岑，眇眇林鳴扈。野老攜晨盂，薄醪間炊黍。安知五熟滋，但慰四友苦。日作夕還家，煙火青林下。嗟我仕易稼，窮年宦三軒。誓畢尚生累，將從平子賦。自省非大人，請事學農圃。
宋 祁	<嘉祐庚子秋七月予還臺 明年始對家圃春物作>	十年去國老蒙召，今歲始見家園春。雙燕初來即賓客，群鶯相逢如故人。蒙茸草樹延野色，碎瓊鮭菜借盤珍。多慚吾黨共醒醉，收得澤邊憔悴身。
宋 祁	<登齊雲亭>	雖非吾土信云美，伴客留連傾一盃。
宋 祁	<初到郡齋>	專城四十外，自注：予行年四十有四中石二千餘。自注：予帶內閣，故月廩實泉。曠日慚良術，班春賴細書。學慵前志忘，身遠故人疏。姑俟天藏疾，雌堂日燕居。省分由來拙，操心本自危。十年今得調，三匝此逢枝。攘臂貪豐粟，裝懷倦訴詞。竹林誰見憶，迢遞始平麾。
宋 祁	<初到郡齋三首>	暫解樞機任，來從海一閒。浮雲富貴外，一馬是非間。月袞生潮浦，風香丑桂山。蒼生雖繫望，要作冶城還。我里誠云樂，公今況釋勞。秋蓴不下豉，霜蟹恣持螯。林靜來晨燎，江喧入夜濤。功成奮嘉藻，寧欲傍離騷。溫省綢繆罷，鄉州偃息時。鶴情歸不怨，鳳德老無衰。月樹供園時，仙囊續宴。自慚淮守薄，千里與言詩。
宋 祁	<到官三歲四首>	芳歲已三換，寵名仍再遷。生平一丘壑，衰晚右囊韃。客眼登樓外，鄉愁把酒前。巾箱多舊賦，只是欠歸田。一忝中山守，仍班第四春。老應無所事，少尚不如人。適野愚謀短，將蕪舊產貧。須慚丈二組，羈束最慵身。塞下靜無事，軍中奚告勞。青山側身遠，白日舉頭高。作奏閒雙筆，流年耗二毛。惟應不能飲，元解讀離騷。自注：王孝伯曰能痛飲酒，讀離騷，可為名士。
宋 祁	<疊嶂樓> 州衙北城上，可以望孤射、霍山	霍射盤西北，高樓勝覽并。景閒思謝守，名重擬宣城。自注：宣州疊嶂，名在天下。天闕雲來緩，風微鳥去輕。客憂銷更有，須到此中傾。
宋 祁	<宛丘作>	宛丘真善地，承詔幸班春。鈴下聽無訟，日邊來有人。吟餘多感客，睡足本慵身。蟻蝨休相賀，吾今湯沐頻。
宋 祁	<思歸>	去國倏三歲，頗知歸思紛。南心曉城斗，北眼暮樓雲。珥筆行將脫，朝珂冷不聞。莫論持帥節，畎畝尚思君。
宋	<入壬辰新歲>	五十為衰始，仍餘五歲衰。雙眸不明鑑，殘鬢已紛絲。

附錄 2 北宋前期貶謫詩

祁		銅處雖顏剖，荷囊信濫持。何須依老格，自注：新詔：七十不致仕，許有彈劾。先作故山期。
宋 祁	< 閱古堂 > 原注：《宋朝類苑》：韓魏公知定州，作閱古堂。後子京知定州，有樂歌十闕。此首疑即其一。	堂皇對岑蔚，歡酌坐怡然。蟹美探壽日，魴甘抑鮓天。自注：楊淵五湖賦：連沅抑鮓。原注：芥隱筆記作鱸香抑鮓天。渚翹幽處鷺，林響靜時蟬。老去興非淺，無妨清夜旋。
宋 祁	< 季秋十九日追還學士院回舟入都作二首 >	上恩留不遣，仍棹越船回。人忝玉堂署，魚還符節臺。危心摧焚罷，病眼刮雲開。讀偏淮南詔，慚非視草才。得麾初出守，趨召遽言旋。露藿元傾日，秋槎卻上天。丹塗容蹇步，星戒許華顛。再奏皆聞罷，慚妒此路賢。
宋 祁	< 自詠 >	四十爲郎信倦游，虛名疆鎖太悠悠。危心正似葵傾日，衰質先于柳望秋。要路風塵疲驥足，故潭煙雨廢槎頭。穎灘慚報耕疇熟，終乞閒身守一丘。
宋 祁	< 屈原祠 >	楚江南望見脩門，靈鼓聲沈蕙捲樽。五日長蛟虛望祭，九關彫虎枉招魂。蘭召獵翠淒寒露，楓葉搖丹嘯暝猿。賈誼揚生成感後，沈沙投閣兩銜冤。
宋 祁	< 澗池道中 >	月樞殘白伴征輪，雪嶺蕭蕭久墊巾。此去崑函天設險，古來京洛地多塵。翠含山氣猶疑夜，紫動林梢已放春。自笑衰翁應分定，寵光行役兩平均。
宋 祁	< 成都 >	風物繁雄古奧區，十年僮父巧論都。雲藏海客星間石，自注：成都有一石人傳嚴君平所辨星，石今在嚴真觀。花識文君酒處壚。兩劍作關屏對繞，二江聯派練平鋪。此時全盛超西漢，還有淵雲抒頌無。
宋 祁	< 歲稔務簡因美成都繁富 >	岷峨俗美漢條寬，野實呈秋照露寒。賣劍得牛人息盜，乞漿逢酒里餘歡。錦波渥綵霞湔浦，磴浪催輪雪沸灘。告稔不須騰驛奏，目應銅爵報長安。
宋 祁	< 杜少卿知睦州 >	三年去國別堯雲，一篋書空此謗分。賈誼有才偏隕涕，屈原何賦不思君。諫囊久晦沈餘草，綬笥重開續舊薰。幾日班春向桑野，漢家新詔十行文。
宋 祁	< 登高晚思 >	喜袂塵襟屬麗譙，高旻雨罷暑氛銷。遊回宿鳥霞橫嶺，唱殺寒蟬柳抱橋。戍壁風煙閒尉候，客亭燈火混漁樵。山川信美非吾樂，已是三年去國遙。
宋 祁	< 送屯田張中行罷成德軍通判還朝 >	中山花下舉離樽，縞髮蕭蕭重黯魂。假節共辭金馬，滿更先入玉關門。自注：壬辰秋，與中行同赴常山，不半年，予改守中山，故中行今先得罷。彌年錦帳殘香燎，幾夕蘭陔擷露痕。早伏青規奏邊事，五芝泥熟待新恩。
宋	< 懷故里偶成 >	先疇少失杏花耕，十載窮塵困縛塵。山上有山成久客，

祁		吏中非吏得空名。吟塘碧草他年廢，霧驛哀猿此夜驚。 何日謁歸聊望里，況無車騎得鄉評。
宋 祁	<兄長莒公赴鎮道出西苑 作詩有長楊獵近寒熊吼太 液歌餘瑞鷓飛語警邁予輒 擬作一篇>	寶樓斜倚闕西天，北轉樓陰壓素漣。白雪久殘梁複道， 黃頭閒守漢樓船。塵輕未損朝來霧，樹暖纔容臘外煙。 弭節不妨饒悵戀，待歌魚藻記他年。
宋 祁	<中山立秋>	峰雲曉影破孱顏，萬里風生結早寒。人在兒零煙痕走， 歲從鶻鷲口中殘。槽花併滴添新酎，筍月兼輪掩故紉。 白髮光陰誠可惜，五年搔首望長安。
宋 祁	<慶曆初召爲學歲久之出 守凡三十年還拜承旨感而 成詠>	十八年前玷玉堂，當時綠髮此蒼蒼。傷禽縱奮愁瘡重， 廐馬雖還笑齒長。薰罷山爐飄暗燼，漱餘銅碗冰寒漿。 須慚清切鑿坡地，不是吾人得性場。
宋 祁	<得杭州鄭資政書>	誤拋荷 別雲裘，天賜疏慵臥治州。轅下已疲猶戀主， 道邊寧恐不爲釣。風波路惡驚危涕，蓬葆年侵變黑頭。 獨喜故人恩契厚，冷灰遺甑遠相求。
宋 祁	<自訟>	史蘭雖殘得自隨，兵符未解定堪蚩。淹留正似周南老， 戲劇何爭濡上兒。鉛筆用多毛禿落，鬢匯愁罷雪紛垂。 十年尙滯成書奏，可驗相如屬思遲。有人多病臥遙帷， 誤舍寒耕失故畦。每畏賓朋嘲乘雁，寧教子弟愛家雞。 淹中學廢心都塞，轅下鳴徐耳更低。自顧上恩無一報， 何顏歲晚望金閨。坐氈無客凍鴟愁，談樹蕭然兩見秋。 執戟不知身寂寞，寫書猶得罪風流。官閒無日慚軒鶴， 機盡多年謝海鷗。借問殿科能免否，杜陵耨子有耕疇。
宋 祁	<滁州趙學士重修懷嵩樓 >	丞相懷嵩罷，因之名郡樓。使君嗟久廢，華棟鬱重修。 人世興衰換，山川處所留。落成今日宴，感舊向來愁。 西北天根遠，東南地脈浮。雲生蘭葉檉，月近蒜條鉤。 樹雜猿呼暝，風長雁送秋。此時如極目，歸思恐難收。
宋 祁	<八月望夜不見月有感>	素燙涼暈淡層城，怊悵三年此夜情。自注：在淮南三年， 逢中秋俱不見月。獨捲疏帷成默坐，暗蟲相應作秋聲。九旻含 爽助清輝，萬里重陰誤賞期。正恨浮雲無意緒，世間 偏惱最明時。
宋 祁	<偶作二首>	去國日云久，寥寥雙鬢衰。長安舉頭近，漳浦都身危。 沫 窮鯁煦，春非墜葉知。一廛先畝在，扶耒有歸期。 衰翁好藏密，移病此僑居。竹眼慵斤客，青泥倦襍書。 風侵殘晝網，煙鎖蔽春樗。惟有伊蒲土，相從樂飯蔬。

宋 祁	<有感>	車轍無報巷次閒，畸人愁臥鬢毛班。月囊罷食侏儒米，歲計深依 壘山。風薄迴林秋蒂老，天圍荒堞暝鳥還。舉頭卻望長安日，已在浮雲沆漭閒。
宋 祁	<對白髮自感寄揚州>	四十還添四，顛華鑷更新。應從多病日，遂作始衰人。毀積方銷骨，經窮先腐脣。竟誰憐種種，由此到諄諄。軒晚間關路，風漆蹭蹬身。兄今又過二，何術耐蕭辰。 自注：揚州又大二歲，其衰可驗。
宋 祁	<登清思堂寫望>	迢遞象城隅，飛軒浩氣扶。春容來迴野，天腳入平蕪。暖吹時披拂，晴煙戶有無。耨痕經雨偏，村逕值林迂。長序初休馬，荒陴稍集烏。水生蒲澤滿，林缺弩臺孤。客思紛難泊，愁襟愧自拘。久之成悵望，西北認皇都。
宋 祁	<秋日西望>	晚襟清曠屬層樓，搖落乾坤共作秋。正爲中山存闕意，得無平子側身愁。
宋 祁	<罷郡將還先寄永興梁丞相>	流滯魚符素領垂，十年方喜覲彤闈。平臺賦罷鄒陽至，宣室釐殘賈誼歸。疲馬有情依櫪歎，倦禽知困傍林飛。相君門下餘塵在，擁篲應容一叩扉。
宋 祁	<謫袁州道中寄蘇子美>	憶昨共繫吳門舟，我獨千里君獨留。江花粲爾不我醉，野月娟然增此愁。談笑還令舌本強，詩篇頓覺筆鋒柔。滄浪書信無消息，鴻雁來時數舉頭。
宋 祁	<謫袁州寄子美>	去年醉到江花老，憂患相寬獨與君。今日天涯又春色，卻尋高處望吳雲。 青紅染出化成寺，羅縠翻開秀水紋。風物感人音信少，眼前雙燕謾紛紛。
張 群	<寄題廣州田諫議頤堂>	退食公堂暇，應無俗慮侵。簾開雙燕外，吏散百花陰。海域逍遙境，榮途淡泊心。政成先養正，惠愛及民深。
張 群	<寄題寶峰山玩雲亭>	指月猶爲幻，玩雲應強名。遙思一雨潤，能使六塵清。望岫幽人興，觀空達士情。何當扣禪闥，高論俯軒楹。
余 靖	<寄題田待制廣州西園>	善政偏修舉，增完柒館清。地含瘟氣早，月映暮潮生。石有群星象，花多外國名。與民同雉兔，邀客醉蓬瀛。翰墨資吟興，雲泉適野情。鎮應持左蟹，快欲鱸長鯨。積靄藏樓閣，馴鷗識旆旌。甘棠留美蔭，高倚越王城。
余 靖	<遊大峒山> 并序	予嘗恨遊觀山川，皆前賢所稱、圖籍所著者耳，未能索幽訪異，興音馬跡之外，得古人所遺絕境一寓其目，狀其名物，與好事者傳之無窮也。韶之境富於山水，而佛刹占勝，相望於野，其名聲洽於四方者無幾。因閑居里舍，與上饒從事子元王君攜其遺味，得大峒焉。始自州治水行七十里，得月華山，捨舟楫，肩籃屨、道樵徑，又十五里乃至是山，觀其磅礴聳峭，秀倚天際，絕頂之上，千里在目，日浮月沈，雷驚虹斷，隨方下睨，晦明異壑，則雖丘垤眾山，蚊虻聚落，不足諭

		<p>其高也。相與拂幽石，翳修林，澗聲泠泠，清入毛骨。真可遺世而絕俗，豈獨擔憂賞異而已耶！各爲詩以誌之。自漢武帝元鼎六年庚申歲，始平越爲郡縣，凡一千七十年。至皇朝建隆元年庚申歲，始有僧建刹而居之。又七十九年，始尤爲方什院。又二祀，康定元年庚辰歲，始有衣冠遊者，豈天作地藏有節待哉！王君暨同遊本邵布衣李訪、月華山羅浮達二禪師咸書名于長老習公方丈壁云。</p> <p>十里松檜風，萬里斗峭壁。陽崖雷自奔，陰壑雪猶積。勢爭衡霍雄，地控楚越扼。胡爲千載間，名未光圖籍。物乃因人彰，聞人於在昔。不逢巢許高，奧山亦頑碧。我今共遊覽，逍遙非俗格。劇論窮古今，玄談叩虛寂。攀蘿躡孤峰，和雲坐幽石。濯纓清冷泉，留爲不朽跡。</p>
余靖	<酬黃都官舟次近峒見寄次韻>	<p>南州苦炎酷，薄宦淹翹雋。怡然賢者心，五稔若一瞬。歸程江海遙，永日風波進。屢經溪壑險，且樂帆檣順。忽傳邸驛音，雅什渾金振。披襟許見過，擢蘭欣入覲。衡門久索居，黃陂渴餘潤。覲止君子容，玉光窺千仞。高談盡今古，不獨期廉藺。相逢勿惜醉，別去生蒙吝。</p>
余靖	<哭王子野侍制>	<p>赤墀趨步近相陪，邸吏俄傳遠訃來。方冀君心辨忠義，豈知天意奪賢材。塋傷棣萼同時葬，<small>自注：聞與浙東兄同日喪事。</small>空想銘旌此日回。謫宦無緣親瀆酒，江邊長慟獨徘徊。</p>
余靖	<贛石>	<p>萬堆頑碧聳堯嶠，壅遏江流氣勢驕。鐵馬陣橫秋戢苦，水犀軍亂夜聲囂。呂床謾記莊篇險，汧瀕休誇蜀道遙。怒激波聲猶可避，中傷榮路不相饒。</p>
余靖	<五色雀>	<p>羅浮有五色雀，各被方色，非時不見。若士大夫將遊是山，則先日群翔，寺僧以是爲候。某庚辰歲謫官來遊，將之夕，茲鳥亦集，感之成詠云。</p> <p>五方純色儼衣冠，<small>自注：尤可愛者，朱藍正色若朝服焉。</small>應是山靈寄羽翰。多謝相逢殊俗眼，謫官猶作貴人看。</p>
余靖	<五泄山>	<p>翠屏千疊水潺潺，一簇青鴛杳靄間。惜是晚年逢此境，<small>自注：到任二年後方遂此遊。</small>悔將前眼看他山。瀑飛蘿磴終難畫，龍蟄巖雲祇暫閑。薄宦勞人無計住，可嗟歸去又塵寰。</p>
余靖	<涵碧亭>	<p>兩山嶽處一泉飛，飛到亭前聚作池。砌下蛟龍盤未起，席間環佩響無時。翩翾翠羽青霞色，偃亞芳叢碧玉姿。卻羨老僧饒歲臘，不知天上有炎曦。</p>
劉述	<謹次韻和呈垂覽拙詩之作>	<p>朝躋天門路，暮宿白雲杪。超然六合外，如翼鸞風矯。運眸極遐曠，收念息奔擾。盤盤上絕頂，獨立顛氣表。天壁涌神泉，玉龜泳靈沼。凌奧無螿蟲，集灌盡百鳥。</p>

		勝景窮賞踐，陳跡嗟細岫。接遯終焉托，真仙事殊窄。
劉述	<詔獄中懷藍田高先生>	自嗟疏野性，不曉世途艱。仰首羨飛鳥，冥心思故山。剛來投密網，誰復爲顰顏。寄語高安素，今思日往還。
江休復	<離京後作>	春風奈別何，一櫂逐驚波。去國丹心折，流年白髮多。脫身離網罟，含笑入煙蘿。窮達皆常事，難忘對酒歌。
蘇舜欽	<夏熱晝寢感詠>	盛夏日苦永，解帶坐小軒。對案不能食，揮汗白雨翻。軋軋過午景，宛轉無由昏。偃臥一榻上，既覺復夢魂。恬然世慮寂，時被蒼蠅喧。睡味勝仙去，忽怳難具論。晨事如隔日，半雜夢寐言。人生貴壯健，及時取榮尊。夏禹惜寸陰，窮治萬水源。櫛沐風雨中，子哭不入門。況復庸下者，不出強趨奔。奈何耽晝寢，懶惰守壞垣。念昔年少時，奮迅期孤騫。筆下驅古風，直趣聖所存。山子逐雷電，安肯服短轅。便將決渤澥，出手洗乾坤。文章竟誤身，大議誰周爰。捽首下牢獄，殄殄如孤豚。法吏使除籍，其過祇一殮。賓朋四散逐，投竄向僻藩。九虎口牙惡，便欲膏其躡。上賴天子明，不使鉗且。此身自流浪，豈能濟元元。天下無所歸，泛舟旅江。春雨看秧稻，落日自灌園。殊鄉寡朋友，孰辨石與琨。卷藏經濟術，強談奉狙猿。閒困尙有待，不忍沈湘沅。大暑晝閉戶，一徑惡草。出嫌烏啾噪，行見蛇蜿蜒。蠹書徒盈篋，濁醪徒盈樽。談笑誰可共，道義孰與敦。終日對稚立，千里遠弟昆。此心既無用，不寢徒自煩。況茲晝景長，但厭枕簟溫。北窗無纖風，返見赤日痕。流光何輝赫，獨不照覆盆。會當破氛祲，血吻叫帝閭。爛爾正國典，曠然滌群冤。姦讒囚大幽，上壓九崑崙。賢路自肅爽，朝政不復渾。萬物宇宙間，共被陽和恩。
蘇舜欽	<潁川留別王公輔>	得罪身去國，犯寒挽孤舟。親友舍我去，乃獨與子遊。子實飽文義，辭闕入中州。氣勁恥苟合，半歲爲我留。我窮不相棄，同載適宛丘。在困見人情，此意不可解。攜春波上，會合知何秋。
蘇舜欽	<天平山>	吳會括眾山，戢戢不可數。其間號天平，突兀爲之主。傑然鎮西南，群嶺爭拱輔。吾知造物意，必以屏大府。清溪至其下，仰視勢飛舞。偉石如長人，豎立欲言語。捫蘿緣險磴，爛熳松竹古。中腰有危亭，前對紺壁舉。石竇落玉泉，泠泠四時雨。源生白雲間，顏色若粉乳。早年或播洒，潤可足九土。奈何但泓澄，未爲應龍取。

		予方棄塵中，巖壑素自許。盤桓擇雄勝，至此快心膂。庶得耳目清，終甘死于虎。
蘇舜欽	<望太湖>	杳杳波濤閱古今，四無邊際莫知深。潤通曉月爲清露，氣入霜天作暝陰。笠澤鱸肥人膾玉，洞庭柑熟客分金。風煙觸目相招引，聊爲停橈一楚吟。
蘇舜欽	<答子履>	塌翼下層雲，飄然江漢濱。蒼蠅休聚謗，白鳥已爲群。銀鯽晨烹美，松醪夜酌醺。生平同得失，此日又逢君。
	<送子履>	一舸風前五兩飛，南遷今去別慈闈。人生多難古如此，吾道能全世所稀。幸有江山聊助思，莫隨魚鳥便忘歸。君親恩大須營報，學取三春寸草微。
蘇舜欽	<和丹陽公素學士晚望見懷>	古郡登臨足勝遊，使君才調更風流。過雲送雨海山暗，斜日催蟬江樹秋。屢辱嘉招嗟放棄，又傳新詠慰淹留。霜天乘興當西謁，共醉城尖四望樓。
蘇舜欽	<奉酬公素學士見招>	人生交分恥苟合，貴以道義久可要。薄俗盈虛逐勢利，清風綿邈日已凋。長吟宇宙獨引領，浩浩萬古與我遙。安得此身有兩翅，颯然遠舉隨風飄。近逢公素我同好，厭憤偷俗常鬱陶。君方調官鎮京口，我以重罪廢本朝。身雖俱在大江外，不得會合煩相邀。秋風八月天地肅，千里明迴草木焦。夕霜慘烈氣節勁，激起壯思冲斗杓。豈如兒女但悲感，唧唧吟歎隨螿蜩。擬攀飛雲抱明月，欲踏海門觀怒濤。念君治所近不遠，江山蟠關氣象豪。樓頭陰明變霞霧，檻下日夕鬥蜃蛟。便將一往刷滯悶，去興草茁不可薶。呼兒僕衣辦舟楫，一日百里豈憚勞。君方酒酣亦思我，奔墨紙上爲長謠。上言風物麗復壯，下述宴集樂且遨。意我羈愁正無賴，欲以此事相誇招。此篇筆絕墨未滲，我舟適到范老橋。古人千里有神會，以茲可信非相遼。倏然不以窮見棄，曠然不以位自驕。開緘朗詠毛髮竦，通夕嚙瘖睫不交。病膜誰將寶篋刮，痒背恰得仙人抓。長川奔渾走一氣，巨鎮截薛上赤霄。又如陰雲載雷電，光怪迸漏不可包。驚呼歎伏已不暇，焉敢有意爭其高。卻疑欺我老困頓，故作大句來相鑿。近罹罪辱舌雖在，每避嫌謗口已膠。更遭抓攪豈不畏，欲取筆硯俱焚燒。既承嘉命敢無報，將吐復茹移昏朝。留連日日奉杯宴，殊無閒隙吟風騷。看君岸幘卷大白，有似巨浸吸百潮。賓從傾頽尚未厭，直恐潰爛腸與脬。神迷耳熱眼生纈，嚼盡寶墨狂醒消。歡流樂極古所戒，

		不免厭旦潛遁逃。還家數日卻愁寂，夢中猶奉笑與嘲。強爲短篇答高誼，鄙事軋軋空自撓。覽之捧腹定絕倒，幸爲投棄無傳抄。相思復擬往相會，予今豈復如繫匏。行看雪夜景清絕，更乘逸興飛輕舸。
蘇舜欽	<獨酌>	一酌澆腸俗慮奔，鷓微鷓大豈堪論。楚靈當日能知此，肯入滄江作旅魂。
蘇舜欽	<秋懷>	年華冉冉催人老，風物蕭蕭又變秋。家在鳳皇城闕下，江山何事苦相留。
蘇舜欽	<滄浪懷貫之>	滄浪獨步亦無惊，聊上危臺四望中。秋色入林紅黯澹，日光穿竹翠玲瓏。酒徒漂落落風前燕，詩社凋零霜後桐。君又暫來還徑去，醉吟誰復伴衰翁。
蘇舜欽	<寄題豐樂亭>	神物藏勝地，深林隱蒼峰。威夷渡淺嶺，愛此泉一鍾。古今未見賞，荒然草苔封。公來闢一徑，疏鑿隨指蹤。揮洗落塵慮，甘涼灑煩胸。構亭於其間，四面開軒墉。名之豐樂者，此意實在農。使君何所樂，所樂惟年豐。年豐訟訴息，可使風化醲。遊此乃可樂，豈徒悅賓從。野老共歌呼，山禽相迎逢。把酒謝白雲，援琴對孤松。境清豈俗到，世路徒衝衝。
蘇舜欽	<和菱溪石歌>	滁州信至詫雙石，云初得自菱水濱。長篇稱夸語險絕，欲使來者不復言。畫圖突兀亦頗怪，張之屋壁驚心魂。麒麟才生頭角異，混沌雖死竅鑿存。琅邪之郡偏且僻，得石固可駭眾觀。予嘗飛帆入震澤，窮探異境登龜鼈。居民百戶石爲業，日夜采琢山不貧。山前森列戰白浪，猶似萬百鐵馬群。雨昏浪打歲月古，千株萬穴僵復奔。自嗟才力本衰弱，安敢抵敵爲之文。況茲出產極易致，鄉俗見慣不甚尊。彼以至少合貴重，胡爲久棄如隱淪。偶逢積識見獎拔，眾目今乃稱奇珍。百人擁持大車載，城市觀走風濤翻。立於新亭面幽谷，共爲澡刷泥沙痕。涼泉下照嘉樹陰，翠影澄澹留煙雲。褒以篇章繪縑素，積歲汨沒一旦伸。苟非高賢獨賞激，終古棄臥於窮津。世人愛憎逐興廢，使我吟歎傷精神。
蘇舜欽	<某爲世所棄困居於蘇平生交遊過門不顧長安侍讀葉丈不以秦吳之遠高下之隔閱此窮悴特貺以詩然韻>	金鎮西都擁劇權，遠嗟窮苦寄新篇。氣雄迥出關河外，句險空驚魚鳥前。玉帳夜嚴兵似水，茅齋春靜草如煙。才愚榮悴皆殊絕，自笑相酬更斐然。

	險句奇不可攀續仰酬高誼 強挾蕪音 >	
蘇 舜 欽	< 滄浪亭 >	一逕抱幽山，居然城市間。高軒面曲水，脩竹忍愁顏。 跡與豺狼遠，心隨魚鳥閑。吾甘老此境，無暇事機關。
蘇 舜 欽	< 獨步遊滄浪亭 >	花枝低欹草色齊，不可騎入步是宜。時時攜酒祇獨往， 醉倒唯有春風知。
蘇 舜 欽	< 初晴遊滄浪亭 >	夜兩連明春水生，嬌雲濃暖弄陰晴。簾虛日薄花竹靜， 時有乳鴿相對鳴。
蘇 舜 欽	< 滄浪觀魚 >	瑟瑟清波見戲鱗，浮沈追逐巧相親。我嗟不及群魚樂， 虛作人間半世人。
祖 無 擇	< 又和題宜春臺 >	異鄉何處散幽懷，賴得城中百尺臺。還向天涯經歲住， 那知春色爲誰來。雪消江上看梅發，風暖衡陽有雁回。 強擬登高聊賦詠，再三媿乏楚人才。
祖 無 擇	< 袁州慶豐堂十閑詠 >	吏散鈴齋掩，閑眠到日斜。無端是春夢，容易繞京華。 鄭聲良可厭，閑抱七絲琴。欲識調絃意，理人先理心。 年長身多病，閑鈔已試方。未甘先犬馬，畢命報恩光。 青山日相對，閑看白雲生。誰謂無心出，中含濟物情。 曉按三杯後，閑烹北苑茶。色香俱絕品，雪泛滿甌花。 扁舟賓客少，閑作道家裝。跡靜心還靜，逍遙覺日長。 雨霽輕埃息，閑吟面曲池。遊鱗時時擲，雙破碧漣漪。 朝來因試筆，閑答故交書。莫怪音塵絕，吾心與世疏。 漸老無功業，閑思惜壯年。桑榆如有得，猶可勒燕然。 晴軒足清趣，閑與鶴開籠。寄語北山侶，無驚蕙帳空。
祖 無 擇	< 九日登袁州宜春臺 >	落帽佳辰又到來，黃花爛熳爲誰開。已經多歲衰容改， 更被無情急景催。取次盃盤須盡醉，隨宜歌管任頻陪。 卻慚未報君恩厚，空向山城養不才。